

香山縣志

香山縣志卷之八

知香山縣事申良翰纂修

邑人李騰元編輯

藝文志總序

疏

議

牒文

序

引

記

碑

銘

文

辭

賦

詩

序曰文章一道由來尚矣自周秦以降雖言人人殊而運會之污隆風俗之淳漓人心之邪正因其

香山縣志

卷之八

一

言以論其世皆可考而知也在易之賁曰觀乎天文以察時變蓋言日星之經緯不窮即文章不可掩之光又曰觀乎人文以化成天下蓋言燦然有禮以相接秩然有分以相守即文章不可渝之則香雖僻壤作者嘗斌斌焉奏對之篇探源於謨誥紀載之文取法乎史傳諷詠之作涵濡於風雅幾於家握靈蛇矣爰擇其可以維持運會以表正風俗人心者得如干首其或言有枝葉而無闕邑乘槩置弗登庶幾於不可掩之中存不可渝之意

乃列傳之作亦藝文之一體然而或招摭於叢
或藉資於時彥并中義例附以鄙識成匪一手是
用分載秩官人物之下俾各從其類云爾

疏

區畫濠鏡保安海隅疏

明 龐尚鵬 南海人

竊惟廣東一省西北聯絡五嶺東南大海在焉蠻彝雜居禁網踈濶倭山寇出沒擾攘見有經畧臣不敷煩瀆外謹摘其禍切門庭者著為論列惟陛下試垂聽焉廣州南有香山縣地當瀕海由雍陌至濠鏡澳計一日之程外環大海乃番彝市舶交易之所往年彝人入貢附近貨物照例抽盤其餘番商私齎貨物至者守澳官驗實申海道聞於撫按衙門始放入

香山縣志

卷之八

三

澳候委官封籍抽其十之二乃聽貿易其通事多漳泉寧紹及東莞新會人為之椎髻環耳效番衣服聲音每年夏秋間彝舶乘風而至止二三艘而止近增至二十餘艘或又倍焉往年俱泊浪白等澳限隔海洋水土甚惡難於久駐守澳官權令搭蓬棲息迨船出洋即徹去之近數年來始入濠鏡澳築室居住不踰年多至數百區今殆千區以上日與華人相接歲規厚利所獲不貲故舉國而來負老携幼更相接踵今彝眾殆萬人矣詭形異服劍芒火炮瀰滿山海喜

則人而怒則獸其素性然也姦人且導之凌轢居民
蔑視澳官若一旦豺狼改慮擁衆入據香山分布部
落控制要害鼓噪直趨會城俄頃而至其禍誠有不
忍言者可不逆為之慮耶議者或欲縱火焚其居室
散其徒黨然往年嘗試之矣事未及濟幾陷不測自
是彝人常露刃相隨伺我動靜疑忌之隙已開其端
議者又欲將濠鏡澳以上雍麥村以下山徑險要處
設一關城添設府佐臣一員駐劄其間委以重權時
加譏察使華人不得擅出彝人不得擅入惟抽盤之

後驗執官票者聽其交易而取平焉是亦一道也然
關城之設勢孤而援寡或變起不測適足以為鷲鷲
之資臣愚欲將巡視海道副使移駐香山彈壓近地
明諭以朝廷德威使之撤屋而隨舶往來其灣泊各
有定所悉遵往年舊例如或徘徊顧望即呈督撫軍
門陳兵境上慰諭而譬曉之必欲早為萬全之慮而
後已若以啓釁為憂則禍蘖之萌亦當早見而預待
之放番舶抽盤雖一時近利而竊據內地實將來隱
憂黨類既繁根株難拔或謂彼利中國通關市豈忍

為變孰知非我族類其心必異明者觀未萌况已著
乎惟督撫軍門加意調停毋逆其嚮慕中國之心而
亦有以陰折其驕悍之氣自後使番舶入境仍泊往
年舊澳照常交易無失其關市歲利復嚴布通番之
令凡姦人之私買番貨畔民之投入番船及畧賣人
口擅賣兵器者悉按正其罪俾人習知有法之可畏
而不敢為射利之圖區畫既定威信潛孚則請彞自
將馴服而默奪其邪心潛消禍本矣

給假送母還鄉疏

明黃佐邑人

臣聞事之逼者不容緩言情之切者不能緩聲臣叨
綰院章職務清華誠宜績學堅志雍容歲月以效尺
寸然情事迫切塵瀆聖聰者實由母子天性不容已
者也臣母陳氏行年七十有一歲矣自去來就養以
來觸冒暑熱得病積聚每右脅痛作嘔吐呻吟飲食
難進日益羸瘦延醫診治咸謂不服水土所致臣愛
日之情不勝驚惕欲陳情終養則終之一字非人子
之所忍言欲乞休而去則眷戀明時又所未敢臣誠

日夜惶悚實不知所自處者也竊見給假送母還
鄉係見行事例退既可以遂其烏烏之情進復可以
效其犬馬之志恭惟皇上大孝達于四海至仁洽于
萬物如臣母子實賴生成為此陳情乞恩如蒙特勅
該部查照事例容臣給假送母回還廣東原籍待臣
調理母病痊可之日復任供職則臣老母餘生皆陛
下之所賜也

瀝陳祖節懇恩旌表疏

明何吾驕邑人

臣高祖二十四歲蚤世時高祖母陳氏年僅二十三歲獨生曾祖年甫三歲親鮮菴功族多貪暴於是刈孤奪食者百計屈高祖母節而臣高祖母鐵心皎行矢死靡他茹荼飯血日夜撫孤育之哀之歷久彌堅既而臣曾祖漸長高祖母心漸舒謂可幸無慮矣娶曾祖母鍾氏甫一年而曾祖暴殞時曾祖母鍾氏僅胎臣祖五月此一日也族強謀繼殺嗣者被髮軒衰破扉踞屋百如狼虎高祖母隻身力禦撫婦拜奠呼天之哀路民莫不痛心酸鼻臣祖甫生曾祖母旋背

香山縣志

卷之八

七

高祖母內撫危孫外禦族福利啗乳媪以毒餅授臣祖賴高祖母察覺得不死於藥買賊刳殺賴高祖母夜半抱孫渡河若有神物憑之得不死於賊歲租貲產悉為族惡抄奪賴高祖母挺身訟於官千哀萬苦歷十五年始復還衣且食得不死於饑寒高祖母每夜挑燈和淚課臣祖讀書臣祖年未弱冠授廩餼學宮族慙計害愈狡臣祖垂髻不經訟事賴高祖母匍匐法庭督學臣為之墮淚堂上下莫不歎息事白得不死於刀筆凡臣祖存膺多難始終得以保全者皆高祖母之力也如以尋嘗節婦論則夫死年廿三歲

不改嫁既有旌表之條况鞠子已極七哀撫孫尤深
百感孤燈殘燼留何氏兩代幾盡之脉存何氏千百
瓜分之業從古忠臣義士猶或難之况臣高祖母筭
棊女流者哉臣父生前每叮嚀三代孫危高祖母苦
節狀未嘗不流涕沾襟也臣戊午上公車臣母謂臣
曰若汝邀一第得請旌高祖母苦節勝於封章及我
臣揮涕應之母亦泣下臣中式日報至臣家臣母寄
語臣曰吾幸尚健得見汝為高祖母請旌典也臣幸
蒙覃恩題封臣父母今奉差冊封持節入豫章禮成
便道歸者臣母臣母必先以是詢臣臣將何以不媿
人孫何以仰對母訓也臣伏讀大明會典一款凡民
閨寡婦三十歲以前夫亡守至五十歲以後不改者
許旌表門閭又一款節婦但係風憲官覈實到部雖
有病故者亦准旌表查見在萬曆四十八年禮部進
士施邦曜以祖母苦節陳情蒙旨下部行該地方
官勘實題請旌表其在前諸臣為祖母陳情泉壤久
瘞既蒙聖恩咸已表揚臣案筆承明侍從清切皇上
首推不匱之恩豈及遺咫尺寵光之下者乎謹備歷
臣高祖母始終苦節屢經鄉約父老呈舉在案伏乞
勅下禮部轉行本省巡按御史查勘如果臣言不謬

准與題覆如例旌表以見聖朝原不負苦節之行雖
地下貞寬終蒙褒異而鄉里傳聞當日孤危抗節及
其子孫猶得以當日啼嗷酸苦之事聞之朝廷終無
晦蝕斯亦教孝教忠之端而為人子孫圖報父祖之
萬一也

議

擬薛文清公從祀孔子廟廷議 黃 佐

古者成均之制教國子弟有道德者沒則祀於瞽宗
隆師道也夫通於天地之謂道心而會之之謂德修
道經德之謂賢崇德報功揭虔妥靈之謂廟祀是故
飾言績文德則有疵者祀弗與焉示民質也伸其咄
嗶反以亂道者祀弗與焉示民勸也行修言道內外
合一者祀之否則弗與焉示民勸也瞽宗之設自昔
已然律以準今實惟盛典故禮部左侍郎兼翰林院
學士薛文清公遊心高明養氣剛大立身固達乎禮

香山縣志 卷之八 十

樂在朝克茂其才猷聚公生平大都有五曰靜而明
善曰毅而任事曰誠而感物曰知而奉身曰惠而愛
人屢辨冤獄雖死無惕斯不亦惠乎權象貪天見幾
引退斯不亦知乎格於中貂振以好音斯不亦誠乎
繫狂遏克屹不為動斯不亦毅乎沉潛默契冥心疾
書斯不亦靜乎靜以為幹毅以發之誠以守之知以
通之惠以流之合而言之庶幾仁者矣至其著讀書
錄一篇發明前聖嘉惠後學其曰一於居敬而不窮
理則有枯寂之病一於窮理而不居敬則有紛擾之
患纔收斂身心便是居敬纔尋思道理便是窮理二

者交資而不可缺一也居敬有力則窮理愈精窮理
有得則居敬愈固信是言也是儒者內外合一之學
也我 開國以迄於今抱道備德有言有文無如公
者猗嘻盛矣天順中議以公從祀夫子疇曰不當而
一時 閣名流如劉定之輩顧乃疑之鯁鯁焉較請
宗儒著述之富愚試辨其三事夫宋世道學已明至
考亭而極金王何許之徒著述雖多然七有發程朱
所未發者矧讀書之作世罕闕其藩垣獨非著述乎
茲愚不謂然者一也妄言性惡如荀况漁色濫音知
馬融惑神志恠如劉向皆孔氏門塲所當麾者亦與
香山縣志 卷之八十一

俎豆其間孰謂道德之粹倘顧弗可與咕嗶浮虛者
齒乎茲愚不謂然者二也公以道德稱天下門人推
其學為許衡配而天下亦信之不疑然衡之仕也網
常膏歎而弗能正習俗易乖而弗能化世且警之以
此言之公蓋迥出其上矣吳澄來臨川貢士也異於
衡產北土者為元學士所著纂言非直無裨聖經而
又亂之今衡與澄俱以勝國之臣久列從祀公其獨
可遺乎茲愚不謂然者三也稽道學之懿式暨宗之
制擬志行之大寃垂教之功陋無根之華文刊贊龐
之咕嗶品裁六度叶和三靈敷教五紀裨益六莪如

公者當追隆伯爵從祀孔子廟庭於禮為宜輿情允
協吾道有裨云

牒文

驅虎牒城隍文

申良翰

嘗讀苛政猛於虎之言即撫膺自矢曰不出而司民社則已苟出而司民社苛政焉忍為之今筮仕茲邑多虎害民畏之猶苛政也司民社者與有責焉良翰德薄不能如劉桓公使虎負子渡河維神為民社主擊靈赫濯禦患攘災邑人攸賴是用虔戒致禱於神其默相之取彼虎虫投畀荒裔毋俾滋害不用命者納諸陷阱殪於鋒械使岫無負使穴無踞茹荼不驚四塾以清此邦之黎赤獲勤穡事而急公好義寔蒙休庇鑿茲誠悃幸勿我棄

序

海潮序

宋余

靖南雄人

古之言潮者多矣或言如橐籥翁張或言如人氣呼吸或言海鰭出人皆無經據唐盧肇著海潮賦以謂日入海而潮生月離日而潮大自謂極天人之論世莫敢非予嘗東至海門南至武山旦夕候潮之進退弦望視潮之消息乃知盧氏之說出於胸臆所謂蓋有不知而作者也夫陽燧取火於日陰鑑取水於月從其類也潮之漲退海非增減蓋月之所臨則水往從之日月右轉而天左旋一日一周臨於四極故月

臨卯酉則水漲乎東西月臨子午則潮乎乎南北彼竭此盈往來不絕皆繫於月不繫於日何以知其然乎夫晝夜之運日東行一度月行十三度有奇故太陰西沒之期常緩於日三刻有奇潮之日緩其期卒亦如是自朔至望常緩一夜潮自望至晦復緩一晝潮若因日之入海激而為潮則何故緩不及期常三刻有奇乎肇又謂月去日遠其潮乃大合朔之際潮殆微絕此固不知潮之準也夫朔望前後月行差疾故晦前三日潮勢長朔後三日潮勢極大望亦如之非謂遠於日也月弦之際其行差遲故潮之來去亦

合沓不盡非謂近於日也盈虛消息一之於月陰陽之所以分也夫春夏晝潮常大秋冬夜潮常大蓋春為陽中秋為陰中歲之有春秋猶月之有朔望也故潮之極漲常在春秋之中潮之極大常在朔望之後此又天地之常數也昔竇氏為記以謂潮虛於午此候於東海者也近燕公著論以謂生於子此測於南海者也又嘗聞於海賈云潮生東南此乘舟候潮而進退者耳古今之說以為地缺東南水歸於海賈云潮生東南亦近之矣今通二海之盈縮以誌其期西北二海所未嘗見故闕而不紀云嘗候於海門月加卯而潮平者日月合朔則旦而潮平日緩三刻有奇上弦午而平望以前為晝潮望以後為夜潮此皆臨海之候也遠海之處則各有遠近之期月加酉而潮平者日月合朔則日入而潮平上弦則夜半而平望則明日之旦而平望以前為夜潮望以後為晝潮此東海之潮候也又嘗候於武山月加午而潮平者日月合朔則午而潮平弦則日入而平望則夜半而平上弦以前為晝潮上弦以後為夜潮月加子而潮平者日月合朔則夜半而潮平上弦則日出而平望則入而平上弦以前為夜潮上弦以後為晝潮此南海

之潮候也

齊山縣志 卷之八十六

贈黃正色令香山序

明 霍 韜

香山在郡南海中如瓊崖而差小山之秀峙如垣如屏擁邑治之背邑南襟帶海洋登高觀焉鎮外之奇境也登圖籍者為里惟三十有五然番禺南海新會順德東莞五邑之民皆托寓產焉一邑藪五邑之產則多大姓五邑大姓藪一邑則微賦督逋曉無寧時故為令難邑多漲鹵積而為島可稻可菱可鹽可漁有力者利焉大姓交利爭是以勢武斷之橫為令操權之難令不能曲直彼弱則阱強則狼悻奔訴上官叫囂於天闕逮械質保及於閭伍什伯為衆為令追

呼之難大吏不能自曲直取基於令則大吏詭曲直責成於令逆大吏則虞禍吾順則獲戾直民為吏任職之難爾琴之詰豈曰以詐實以賄逞胥隸竊燕隙以投焉百一垢受曲直倒操詭夫媿譽譖訾勝湧不為覆究為令自守之難是故小邑也迺難為令黃子昔令仁和起制謁選余請於太宰汪公曰選黃 卑香山採困故也

顧侯公綸靖攬溪序

向吾騶

今天下亟需才尤亟需大用之才不佞以為才而大用之必其大用而才也才不可先見待其大用而見之則已晚莫若就其地焉試之過其地弗值其事尤無見也乃吾邑顧君侯則若有以試而見之矣方蒞我香山下車詢黔首疾苦詢老更利病穆然皇然百務修舉城墉復隍鯁鯁然慮之得策培築以登障為堂事者累月雉堞隆隆雄諸縣寓矣以是為試而見乎未也壬午春王攬溪寇起攬四面環海川塗錯雜羣不逞茫茫符以居住歲稼未成輒出擄掠四方民

患之余告于憲邦諸大夫咸惟使君亟捕之民遂有秋賊計誑圖大逞以鄉兵為口實鄉兵奉文繫賊入邑要而戮于海上集聲益惡血飲入市捧刀列戰而前自乙徂己凡五夕呼火傳兵相屬蜩蟬湯沸幾幾乎半易其良時君侯方將邑校士入省余極使人闕告君侯請即集大兵迅下可以疾倦遲乃不戰既而君侯毅然至矣君侯與治兵大夫挑燈計畫嶺東巡道魯使君時亦至攬商確合遂治兵先擒其僥於海者得四渠詢所同黨又得十數人會於投匭計伯人不爽君侯再商於余瞿然起命之曰今天師四集所

捕獲易耳哀此不臧疇忍駢棄不惟其虔劉惟其
康耆是以難也賊多協從非爾民始心今速來歸見
汝父母妻子嘗汝宥汝毋汝誑於是涕泣求生者累
累來見侯皆視而捷之標於大門俾厥長領歸自是
緝渠必置於重典歸命必俾以新圖遂獲居藏者禦
貨者事乃大定侯得手應心迎刃若然虜髀之處非
斥則斧若其遊於無所擊刺再乃曰此非一日二日
之所藉以安也氓之不淑非氓有咎則惟佐佑鄰里
不能式相以致斯比詢之果其所為編戶奉令甲者
皆惟富人爲合聚慝非必出入友望也君侯乃曰果

香山縣志 卷之八十八

若此奚能責其正告哉乃大昭示環鄉而分方類族
而辨物千夫長伯什夫長必鱗次相制必虛并要會
凡一夫不淑其尤共之衆乃大怖咸驚起曰自今其
敢不悛侯復躬履攸舍繩樞甕戶必窺靡遺一茹治
攬三泮日而賊悉平民悉又乃不縱一慙不枉一良
不餐一粒於百姓不假一語於徒胥滿志善兵而藏
之還縣之日余治酒脯驥舟送於海口二人者日夜
謀焉天日見之鬼神聽之攬山攬水永永載之余不
肖子若孫偕吾鄉大夫士人商賈工農世世處此出
入此咸維侯功德噫此侯之所以試也乃所以見也

使侯識不到則方始事百里外視懵懵懼發難端而不敢入力不到則入焉見夫盤據援引是非褒譏化濟滯尾為之周章疑蕙不敢舉一意捕殺速治雖有悔罪輸誠收之或不專來之終不安既去為保苗區區遊魂餘魄不姑付之山魃海魑安堵寧謐之速按堵復業既熙既攘匪善後多方保無竊發之釁侯斯日也吾善備焉若是者故全也方今已試之材為明天子使四方引領式望以為不可幾及文武吉甫壯猶方叔彘彘乎繁崇稱之顧好謀乃成奏言終始得幾人幾事考之試焉見焉亦嘗鑿鑿有可指數否吾

父母也蹈大難成大功永大禧勇大德睿湛九淵明出十日矣爰率鄉黨紳衿耆老登堂載拜咸曰有斐君子終不可謾威德至善百世不能忘也是為序

香山書院講學課文引

何吾騶

士必出而任天下事無有過於學問者有一分學問始有一分經濟每至於經綸擘畫有窮始歎學問之淺再欲採摭以從之不知其根之未沃也然吾有感於當今之耳食者每談學問則欣然願趨每稱講學輒掩 避焉以為吾黨忌諱曰願毋及此不知學則稽古簡編是矣問非昧者以所疑質之明者乎昧者質而明者告此非講學而何夫子嘗曰學之不講是吾憂也而且以講為諱何也嘗見夫世間樹黨伐異

必堅營壘持戈矛以相攻輒曰彼講學人耳夫學何物也忠臣孝子仁人義士之諱也修身見世陶淑範圍樂性情通晝夜治亂持危之書也歡欣祝頌進反周旋感歎離憂思慕憤興之槩也六經百子丘索齊諧越絕汲冢有異而權衡不異吾日日學之學之得而手之舞之足之蹈之學之未得而入叩於師出商於友反覆論辨廢寢食偕憂樂何一不從講學中得力者邇吾鄉妙美之英挺拔之彥宿昔名下卓舉雄深之後兼以四方聲氣個儻之杰不以予為不肖一朝淪懷前贄再拜稽首咸曰願聞微義不佞惶恐汗

恐懼無以報也雖然孔孟之學非周程朱張之學也
周程朱張學孔孟之學而有得焉有未得焉聖人之
徒也有宋言行錄一書班班可考而富鄭公司馬君
實韓稚圭范仲淹諸人悉列於名臣濂絳關閩諸人
始列於名儒此言何謂也離名臣而名儒則儒者之
所謂講學不幾為今日學宮委委若若諸儒者而無
關於翊世扶治之大哉然則世之所以詬病夫聚徒
而講者蓋亦有跡已我朝邵文莊公講學之大者也
其言曰願為真士夫毋為假道學此一言足以破天
下之惑而進於淳古之道余不日嘗識之夫士不飭
躬勵行汰危就安質疑行信學不足以致主動國勵
世範俗曙於古今之隆替諳於四方之興革即日標
格致之論誠正之緒披剝精微砥礪淺深五日拘
儒一曲之執咕嗶學究之談非一君子之所以隱居
求志大人之所以行義達道也故鵝湖白鹿皆淵乎
儒者之蘊而成主尊德性或主道問學不知二言者
二而一夫子下學而上達語耳二程氏每從科舉文
事引人証道而朱陸論辨輒曰只就制舉文章指導
便差些子蓋以為仁義中正粹然大道一著榮名仕
進之想便雜外念噫二子醇而反近於迂矣是故干

祿之心不可有用世之心不可無吾夫子所日與門人擬議者節愛使民道政齊禮用行含藏不一而足魯欲使樂正子為政孟子曰吾聞之喜而不寐乃曰學不從制舉言導入迂儒之末足經世也善乎曾子曰君子以文會友以友輔仁天地間自有真文章日星之燦垂山嶽之凝峙江河之流行入於忠孝仁義之敷施皆為文章而制舉言文之一也非文何以會友非友何以輔仁今與諸君子講明絕學必從文義先之世間能為忠能為孝能為仁義之人其文章未有不超邁等倫高絕今古者也文必從事請與諸君

晉山縣志 卷之八 二十二

子定所讀之書時嘗質之文必從會請與諸君子定作文之期時嘗攷之文必輔仁孝友兄弟是亦為政諸君子一日未登仕版家國閭里必有藹然口用之懿孝子悌弟之行恆救極扶之事請社必設簿每月朔日會而焚香質問相長次後 行有幽芳請登

於冊畫而告我相與懽欣樂道之其有非僻誠有心歟無心歟請相與動色告戒毋貳毋飾以歸大道讀書覽世有所疑焉或亦不肖之所及書以見詢知必以告若是者非敢言講學也其亦吾夫子學問之所亟許也已其他具告詞唯諸君子勗焉用序言先之

脩鐵城改南門引

申良翰

四郊多壘鄉大夫之耻而寔士庶人之憂也堅爾垣
墉謹爾斥埃宜亟講矣雖然興大役者所費不貲如
公無贏帑私無蓋藏何茲邑中好義終事者固不王
人僉以樂輸之詞進具述形家言阜民一門改復方
位則人文蔚起民康物阜闔邑蒙休予既蠲俸入以
為之倡又為之請於上臺則是役也固封疆為國阜
財物為民出于好助毋強民志公于出納毋傷民財
亟于趨事毋勞民力善于董戒毋奪民時爰庇爾材
爰鳩爾工揀之陜陜築之登登庶乎不日而告成諒

亦縉紳先生以及父老子弟皆當忻忻然而率從

積火器引

申良翰

嘗觀易之萃象有曰君子以除戎器戒不虞言備禦宜豫也香邑嶺南邊土海國孤城歷年以來幾經寇躪郊無燬烟室無安堵上賴

聖天子之威靈列憲之謨猷以及師武臣力海氛漸謐然而長鯨雖已授首短狐尚未滅跡用戒不虞修爾戎器不可忽也戎器之中殺敵及遠銃礮為先海寇乘潮火攻為上此雖折衝禦侮之責而司牧者與有任焉此雖司牧之任而究其休戚之攸關邑中自紳衿以至乎四民為倍切焉邇年廢弛不舉本縣倖

沒祿薄私無贏橐罄竭所有不足以濟維身先倡率庶幾急公好義之人羣起而環應之盜是用弭亂庶邈已然後知本縣為爾眾謀甚于自為謀惟爾有眾之自為謀當更甚于本縣之代為謀也

記

浮虛山記

宋鄧光薦廬陵人

凡形於大虛皆浮也地在天中故地有四游水包天外故天曰六幕人於其間蚊蚋其起滅蜉蝣其生死其浮孰甚然不自知其為浮也凝塵聚沫適然相遭認以為己有遺愛餘想業緣相續指以為己出蟻闖蝸戰勝負相尋跨以為己能皆妄也惟先聖之儉鍊形以歸真集道以成實是以御風騎氣乘雲倒景以逍遙於形氣之表與太初而為隣長萬古不老蓋泊然大虛也顧其聖靈影響變化往來每依乎名山大

川與人若不相遠豈非鬼神幽沉物形偏塞而人類之靈明通悟者亦可以超然而心會矣番禺以南海浩無涯島嶼洲渾不可勝計其為僊佛之所宮者時時有焉未至香山半程許曰浮虛山山虎踞而鳳翥鐘懸而磬拏蒼然烟波之上四望無不通方空澄而霽一望千里來航去舶櫂歌相聞及微風鼓浪噴薄冥迷舟望山咫尺若不可到故過此山且喜且懼異時灌莽紛披猩狐聚號依險機毒上下相尋以害行者則又指此山為萑苻綠林相戒而不敢出獨寓公承節郎番禺趙君時鏗過而樂之及請於常平賈其

山及四畔水潭數百頃而屬道人達西奉佑聖之祠於其上趙君輕財喜施環祠之數十里內山巖水隈可庵可壺庵之壺之無斲色而達西苦行強志經營十餘年又能哀衆力以相趙君之所不及於是為屋幾間為殿一為壺四為內室一為寮舍二供佛有所施舍有碇殿之弘敞壯麗則永節之子永直君若桃嗣而成之樹林蕭森阪道靖奕雖他山之號稱洞天福地者有不能過戊寅春購舟艤焉屋燬於火惟玄帝一殿歸然獨存類有物呵護者然趙君之施不厭達西之志不倦衆之願助者不輟皆曰必使有加於

虛豈非天人高舉未忘世間弭節薄游登臨其上以
憫俗歎世將緣是而得名耶山空潮落日朗星清必
有載雲旗聳長劍孔蓋翠於翩然而來下者山之入
以時候之景炎三年戊寅仲秋朔日

脩明倫堂記

元楊存齋西蜀人

將仕郎王公天祥尹香山之明年脩飾學宮重建講堂於法宮之後堂成請記於予辭不獲命於是叩之曰公欲記堂之功乎抑將舍其功而記其所以構堂之意乎公之意吾知之且能言之請為公書之石自井田封建之制亡而三代維持之具惟學校得不廢然亦徃徃學校之虛名耳世降俗移漫然於君臣父子昆弟夫婦朋友之間而不知禮義為何物又其甚也異端乘之敵國因之而國非其國矣昔者先王必致意於學校者以小雅廢則國祚隨之學校立則綱

常明綱常明則風俗厚風俗厚則吾之國家雖與天地同悠久可也彝倫不可廢也學校庠序之教非粉飾太平之常典乎然脩齊治平之學又非記誦俗儒之所能也漢唐以來學校非不設也生徒非不感也曉牕夜檠之揣摩非不勤且勞也究其效驗竟與虛無寂滅之教同歸一謬此尤非學校之罪也蓋學校之名雖立而彝倫之序不明今之學非古之學也故孝弟立則孟軻氏以為可使制梃撻利兵一或反是則雖暗如杵臼亦知其有粟不得而食也聖賢之言豈欺我哉然聖人列朋友於君臣父子夫婦昆弟之

後正以講明此四者望於朋友也三代遠矣井田封建之制不可復矣厚風俗而維國脉者其惟學校之明儉乎泮庠朋友慨然以明儉為己任則地雖遐陬而可齊魯時雖師旅而可三代諸君勉乎哉韶石之九齡日南之姜子安知其不生於今日乎賢尹之意如是而已若夫梁柱之壯麗廊廡之修潔垣屏之鎮密尹之賜也二三子之力也登斯堂者自得之

遷學記

元吳澄臨川人

廣為百粵之地三代政化之所不及漢晉而唐俗漸
漸易至宋彌大香山縣最後置其初東筦縣之香山
鎮也紹興壬申始陞為縣距宋亡百二十餘年耳而
士習亦能與他州相頡頏國朝崇文仍前代之舊文
教所施無遠弗屆而教事之隆替亦繫乎治官之能
否焉疇江左祥職翰林院國史十五年泰定乙丑授
承直郎廣州路香山縣尹其在院也予覘其材之能
官久矣及既赴官予亦歸田越四年調潮州路經歷
以書來言曰祥以菲才叨膺民寄思治之本在乎教

香山縣志

卷之八

三十

也涖官之初首謁先聖廟直縣治之西卑濕隘陋於
嚴祀弗稱謀請同僚擬更諸塋壇再至學俾教官召
集羣儒議成曰縣東有文廟舊基土質堅燥山勢拱
抱宋末遷于今所遷之後士風頓衰今復舊所為宜
迺與同僚往視其地果如所言前直學楊仲玉起而
言曰廟果遷歟教諭高玄生願獻柱梁礎石已而羣
士各備大小材木以供用節縮養士餘資市瓦甃等
泰定丙寅孟秋興役次年春先構大成殿崇三尋有
六尺廣倍其崇深視其廣殺四之一仲秋落成次構
儀門九間九標其崇常有二尺廣十有三尋深三尋

二尺季秋落成惟明倫堂東西廡未完祥既去官亦
儲木石屬同僚嗣成之至順壬申冬左尹來過曰香
山之舊僚與其教官及邑士營造明倫堂東西廡已
畢其堂十一標中五十有二尺廣七尋有二尺深三
尋有一尺夾室左右各三其崇殺於堂三尺其深如
堂其廣五尋有一尺天曆己巳冬構次年春成東西
廡七標各十一室其崇視堂之夾室深亦如之南北
之脩七常有二尋至順辛未冬構次年春成祥仕於
嶺海間至三幸免瘵曠而香山小邑獲遷廟學於吉
地始謀雖出於祥而終成其事實賴邑僚邑士之力

邑長那海邑令韓文衍邑貳張方毅黃弘益教諭陳
汾揚以禮黎復叟郭至邑士之翰材竭心者楊仲玉
高玄生陳志袁瑩中也敢蘄先生紀其始末垂示永
久以無忘僚友士夫成終之勤予謂左尹有三善今
之居官者惟私於己何卹於民而尹無私于己有志
於民其善一也或優於政不暇于教而尹既優於政
又及於教其善二也官之政教去官則已而尹雖已
去官猶不忘在官未竟之事視官事如家事然其善
三也嘗稽郡志宋紹聖間廣守章棗以郡學在中城
西近市喧雜諸生一百五十餘人各致辭請擇地而

徙乃遷於牙城東南隅左尹之遷學也亦自西而東
與二百餘年前章守之遷郡學時異事同章守自作
遷學記期廣俗丕變如齊魯今左尹屬記於予也所
望香山之士其亦如章守之心乎然則廟堂既遷而
新矣士習之遷而新者宜如之何曰貢詔頒行具有
謨訓為士者亦惟明經修行焉耳矣廓志破愚就義
舍利存理去欲長善消惡此明經之效也能孝能弟
能慈能睦能忠能信能取能讓此行修之實也經不
明行不修而徒綴緝程試之文昧眩主司之目以攬
科名苟官祿而已則近負聖朝之恩遠負聖師之教
抑寧不負色宰遷廟學以新士習之意哉

古之教者家有塾其來尚矣後世里社義齋之設則又推廣其遺意也至元丙子秋予宰湟邑時清江羅君義叔領郡幕其友人王君斯美自香邑挈母而未語予曰吾邑西村有義齋廟曰新美蓋里之賢士創于宋景定甲子而邑令天巖洪公天驥名之也其城爽塏山川相繆扶輿清淑之氣成萃焉凡子厥孫於是乎藏脩息游擇其經明行脩者師之且捐金買田收其租入為束脩廩膳教育之奉殆如邑校焉亦吾鄉一盛事也鄉士陳梁之齋寢微惟王蔣為有後弗

香山縣志 卷之八 三十三

棄基奉定戊辰齋舍損壞請于邑令左承宣公祥公慨然移文修葺欲立石以記其事秩滿且去顧未有記之者竊願一言著其美予惟天下郡邑之學國家敦勵屢形詔旨猶未免有鞠為茂草之歎或連城無絃頌之聲者有之矣今是齋也非有督勸而激勵之者乃能世守勿替非篤於義者能如是耶是可嘉也抑予又有以為王蔣氏勉者夫齋以新美名亦嘗觀諸易乎大畜之象曰剛健篤實光輝日新其德坤之文言曰美在其中暢於四支發於事業凡學於是者俛然日有孳孳積大畜之日新發而為坤之美暢則

度乎有以副當時洪侯名齋之雅意而於繼述之道
亦有光也君其以予言諗諸王蔣之後尚勉旃哉

意翁亭記

元黃觀光

意翁亭趙君梅南寄傲之所也客未解其名亭之義
還諗之日昔淵明之于酒稽康之于琴王猷之于竹
以至阮子之履謝公之碁諸賢之意各有所尚趙君
必居一于此乎曰否吾性不喜紛華意之所寓不寓
于物獨以佳山勝水若有所嗜朝夕觀玩出乎意表
悠然獨酌遂成微醺故特取六一公意不在酒在乎
山水之樂以名吾亭亭成蒔花木列怪石左右琴尊
前後圖史日課兒書數卷與客奕數枰或倚竹而吟
嘯或步履而徜徉恣意所之隨寓而樂晉人風致吾

無意而兼之然吾之意亦未易以語人也客曰彼陶
稽阮謝輩沉湎司馬之世徃征自恣意之所尚固不
可同日而語君際盛明意該衆雅得毋以所居之地
有瑯琊醴泉之秀而君之意趣蕭散高尚可與六一
公冥合於千載之上邪曰非也吾取其意而忘其言
云爾莊周有云子非魚安知魚之樂又曰子非我安
知我不知魚之樂旨哉斯言夫自得之樂唯我自知
也人烏得而知之故六一公亦曰人知從太守遊而
樂而不知太守之樂其樂也昔程子從周茂叔學每
令尋仲尼顏子樂處所樂何事晦菴朱子亦隱而不

發嗚呼聖賢之意豈易知也哉仁者樂山知者樂水
夫惟有所樂則樂必在其中矣今潮居之山巍巍其
高發自萬里而重厚不遷有似乎仁溟渤之海洋洋
其淡涵蓄萬象而流動不滯有似乎知吾觀山水之
樂因悟夫仁知之理沉潛玩味欲進不能欲罷不可
吾意若是是又不在乎山水之間此其所以難言也
客曰唯余聞而喜之書以為記

脩學記

壻陳 璉東莞人

香山為邑僻而隘周迴僅七百餘里自昔為鎮隸東莞紹興二十二年始陞為縣舊有儒學建於縣東隅宋季遷於縣西隅元大曆中盱江左祥為縣尹以其地卑濕弗稱復遷縣東隅故址地位高爽氣象軒豁誠育賢講道之所士風由是翕然而盛古今崇儒學校大興詩書禮樂之教洋溢海內香邑士彬彬乎其盛視昔有加唯學廟則仍其舊歲雖修葺因陋就簡頽圯日甚永樂壬寅莆田林公希哲以明經來典邑教越明年偕縣丞款孟壘損俸題助以圖修建未幾

香山縣志

卷之八

三十五

孟壘去官繼而饒之浮梁馮誠以名進士來為邑宰政通人和百廢俱興尤留心教事廟謁之日顧瞻興慨欲成希哲之志乃謀諸同僚縣丞陳李清主簿林汧典史梁傳各損俸倡請好義者香山守禦千戶錢惠劉成百戶周聰等洎邑士民欣然捐資來助乃市財鳩匠撤其舊而新之所存者惟廟之舊柱八舊梁二而已肇工於宣德二年冬十月至次年春二月殿堂廊廡始克落成無何誠拜監察御史自時而後閩郡長樂鄭萬奎由舉人分教是邑亦能以是為心倦倦於邑令黃新主簿周成復捐俸題助補其所未

治儀門齋舍庖庫器用龕牘咸煥然一新士庶來觀
驚歎以為昔所未有乃具書徵文記其興作始末使
有稽焉予惟學校之設自三代以迄於今凡有民社
者率莫之敢後何也誠以政治繫於人材人材出於
學校然士子之學豈待他求惟求吾夫子所以教而
已審如是於經則明於行則脩可以敦倫可以善俗
將見儒風大振士庶一新俾香山為海濱鄒魯可也
若夫由科目登仕版者則思建勲業於明時敷恩澤
于黎庶著名節于邦家庶上不負朝廷教育之恩下
不負諸君子作新之意豈徒務講誦課文詞鈞利祿
而已哉是舉也邑令馮誠實始其事而主簿周成能
踵其後且其功成皆出於好義者而不煩於民是皆
可書故併記之統五年庚申七月既望

繼美亭記

明皮 登

楊君餘蔭香山之著姓也自宋以來世德相承至於
今益厚高祖紹孫仲玉兄弟同居而家道亦裕迨分
產業紹孫以其壞之沃者讓仲玉鄉里高之元季年
穀不登民不聊生兄弟發所儲之粟五千餘石以賑
貸後值歲豐貸者爭償焉曰周窮恤匱吾之心也償
之何為遂却不受衆乃德之作亭於所居之南榜曰
麗澤以著其好施不嗇之心且以識鄉人之仰德元
杜丘墟亭亦圯焉皇明四方平寧餘蔭先君子顏翁
欲新斯亭弗果而卒餘蔭時甫七齡賴母氏鞠育成

香山縣志 卷之八 三十七

立嘗自嘆曰吾先世種德行義澤及鄉里吾可不思
所以繼之乃於故址復構一亭扁以繼美以示其志
會辛酉歲歉聖朝以民食為憂詔有司驗民之富者
出粟輸官計貧者丁口以給餘蔭於是入穀於南賑
貸倉不及其高祖之所發者數之半予嘉其事且喜
其志之有成遂語之曰作於前者有其人繼於後者
有弗類固不可謂之美繼於後者有其人作於前者
無其實亦不可謂之美是必前作有其實後繼非徇
名然後可謂之美矣君先世之利澤又及於鄉人是
則君之美非特無媿於前亦且可傳於後雖然君今

日之美固一鄉之利澤也繼自今為君之子孫尚當
勉力不怠俾利澤加於時則其所以繼前人之美者
豈不大焉君拜曰然遂書以記

小魯亭記

明蔡善繼

夫繪畫之事肇自唐虞以著於三代先師繪象今
宇內徃徃有之不知起於何時至土木雕塑說者謂
類於沙門自佛道入震旦祀聖人者倣而為之然事
有因始作述相仍使古無遺象後之人師心信乎倣
佛氏而妄為大聖之形則又無稽而不可盡信者矣
洪惟聖祖開天易土繪而為木主世廟肇明申飭辨
章服以定位號懿哉聖製千載一時非謂乎土木無
當於神明雕繪描寫無當于天然色澤修短豐瘠為
人工之巧拙同異終非盛德之形容也耶然竊思塑

香山縣志 卷之八 三十九

之與畫相去幾何聖之像與歷代帝王之像何別彼
存而不論此去之惟恐或遺則當時建議諸臣惜乎
何推類之不廣也聞聖祖謁廟舉酒以屬漢高蓋
崛起布衣提三尺以定海內曠世同符倘亦有相視
而笑莫逆於心者耶今世之人入帝王廟舉手而指
之曰此堯此舜此羲農此湯武此漢祖唐宗此牛首
人身此龍顏隆準此披鹿裘而帝此冕旒端笏而王
更數千萬年而隆百神聖肅穆率儀然如見者則
斯廟之遺也今民間之曾元耳孫于其先世曾高宗
祖邈不相接歲時享祀展遺像締而視之曰此曾此

高爾祖爾父孝敬之心油然而起由斯以談理非事則不彰真緣假而始見古人製象非為聖賢而設為愚夫愚婦思聖賢者而設也香山 文廟舊建蓮峰山麓後緣兵燹遷入縣治之東今復遷歸舊址 先師遺像尚置一龕究其時所以不毀者而莫得其故諸生昌言毀與葬分門而訟中有嫻於典故者謂禮必觀會而得其通事必遵王而後無議今考於先朝詔令則惟有屏之撤之而已夫屏之則不復高拱廟庭撤之則不忍委而棄之以下同于芻蕘稿壤也於是分為室以安焉上依祖制下順輿情闔之則為藏為葬為屏撤啓之則儼然獨存百世而下猶得覩古人衣冠聖賢形象臺墻陟降在上在旁此像此亭即與金陵帝王廟竝垂可也亭在山椒山在邑東名其亭曰小魯蓋倣孔子登東山小魯之意云

仁山書院記

黃佐

晉安文巖鄧君宰香山政成無事顧縣治後坡坵翳
奧草間即所謂仁山也剝而登焉四周幅員將二百
餘武業為鄭圃誼而歸之乃與寮窠躡觀心游目舒
迥臨千里蓋脉發於羅浮施於黃山入於海面大洋
三十里而還為潭洲為金星為三洲諸山碁布海上
又十里為雲亭為張笏澳自東北迤邐而西勢彙而
紆又三里許東為蓮峰與城臺武山對峙中則斯山
王焉其南貴峰尖聳高幾十倍然頽仰拱揖若共几

香山縣志 卷之八 四十一

席蒼碧四出翕然飛動其殆勝地也乎聞諸輿人曰
是宜構以稽經諏政者也君建焉於是鳩工冬隙肇
建書院東西為二夾道其一長一長二十有二丈循後臺
之東折北而達其一長一十有七丈循公堂之南抵
西洞門而達為臺三間高二丈深三丈二尺而潤過
之由大門北入循西階門而升則雲霞草木霏布滋
蔓者入人懷袖畢萃於前臺背築基高二丈構臺三
間深三丈三尺其濶如臺扁曰仕學則讀書處也山
形益以完盱眙益以廣嵐蒸輝變冥合萬化益以思
啓沉潭之思又自東階門而入為豐樂園具衡一十

有二丈其從十丈有奇凡夾道臺園皆繚以垣其周一百五十有二丈形勢高峻土宜植物松檜花竹藪栽其中垂陰蔽芾灑氣自溜輕風搖動天籟互答絃歌燕語恍在霄漢殆有不謀野而獲不風雲而樂者矣是役也貲不官費力不民煩官師薦紳咸助成之與人誦曰薙莽弗鞠仁山當復高臺廣堂仁我無疆益慨昔之遺而慶今之遭也嗟乎應龍作雨必蟠勢以全其神君子役智必燕息以全其性公署游觀之構蓋亦多矣未有天作奇秀以待人者夫登眺於翠微聯合之間與物為體八荒我圍可以識仁矣矧又

仕不遺學毗民閔政若斯之懿者乎黃髮青衫番番
僣僣造予請記載筆使鐫用鴻厥懿于永久

開元泉記

何吾騶

水為天一之氣未有不年以冽者唯入於海則為斥
鹵所涸入於河則為砂磧所驅始失其本來矣陸羽
所嘗天下水味優劣地各殊指大率以名山醞釀為
佳岷嶓鴈宕天目羅浮數千萬仞其水經裂石崩崖
而出故凡瀑布皆冽而別有攷光隱曜一隙逗空涓
涓浮浮澹澹淙淙故不惟其冽而又年以香若蓮之
始舒梅之乍吐也吾嘗得梅花泉既與同志共烹試
之無不稱快方將誅茆枕漱其間而地為有主者所
難一日有開伍子元子傳子念清緣之掣肘詩喉之

香山縣志 卷之八 四十三

不可匆匆也竝肩而往環走落霞峰之下者三日乃
絜一缺相示曰先生且嘗之且烹試之可而後語所
自余粲然一吸理火而授之茗其色逾雪其香如蘭
非唯五牟之犀泡蟹眼也憶嘗與友人茗戰於中冷
惠山之下政復不能優劣余即夕有試泉詩贈二子
賢明共履其地與梅花泉相去一里許政在落霞峰
之降前為駝山石天雲覆巒壁綠染後則平原千畝
異樹叢菁人烟不雜水得以養其和滙其靈蓋自西
望古岡崙山一氣如綫行經

鴈而注液於此

其靜深者固有在也初唯一隙玲玲幽響於蒼鬱灌

莽聞二子為之拂拭而泉脉遂大行矣叩主者為海
日居士慨然捐此大塊以盛工築姚刺史之於李庇
千古可起矣二子邀予錫以嘉名因題曰開元元者
天一之粹也有此泉而天運人事又為之一開大哉
有開元子之功而海日居士之貺也弟伯承復相與
督率石匠而甃砌之亭榭之旁構小庵延僧住持之
地日以靈緣日以廣高朋勝友日以輳集若開府熊
公文燦柱史梁公士濟暨余門人督學梁公衍泗都
垣郭公九 至氣先屏輿從歷雲磴睇蒼岑解衣礪
礪于泉間者累日嗣是而星沙陶孝廉汝厲雷湖陸

茂才洽原偕吾黨黎孝廉遠球區孝廉懷瑞黎明府
邦城歐明經主遇高士戴君王言劉茂才相高茂才
之霖余壻陳子復相與烹酌於古松蒼竹之下留連
不舍聲詩倡和傾動中原非茲泉有以大開元運者
其能感召天下豪傑哉國關氏試泉詩有寄語神仙
客梅花遜不香之句不佞與有開元子大笑曰吾子

衆母菴豐盈井泉記

邑人劉相撰

地靈蘊積之厚俟時而洩誠非偶然必有閔夫運會之賢起而理物然後扶輿貞淑之氣發其所蓄以呈厥瑞董子所稱醴泉出朱草生嘉禾興斯其應也邑侯胡中尊質弼中而文彪外足以師表未學敬天命而勤民隱又足以感格幽明是故鳴琴伊始適痘疹流行候晨昏齋禱為嬰兒衽祝躬選勝捐建衆母廟於豐盈二峰之陽後座奉大士延僧攝理便民詣禱已痘未痘次第蒙麻痘毋香火日盛襁我赤子報賽來者踵相接也邑父老因舉公孫僑故事以

香山縣志卷之八 四十五

衆母菴顏廟額感侯之生我育我也在處歡聲不絕響顧蒼踞峰麓獨苦鑿井艱於及泉南界東嶽廟北梳壽山寺兩井俱深數丈水始達菴無井日絜瓶往汲之操縵者未免過勤一夕僧夢神指以泉源詰朝從厨左按夢鋪土繞尺許泉穴涓涓溢湧不可禦至四尺而井工告成莫不誠異聚觀水皆石乳色冷冷瑩徹入齒甘芳逼人飲療諸痘各邀神貺多迪吉邑湯社家一時嘉尚咸托焉品之康王谷蘭溪石下水其肯以梅花讓乎遂走筆為之記

似難優劣議云侯向癖嗜小嶺掬馨泉茲井既闢刻
飲一惟此水即或巡課農桑出洛民瘼請凡往返必
計日載水俱行不使羶曉移我飲水滋味則侯之性
也苟非孤標濯濯神實相之能令豐盈千年精液若
是乎其效靈獻奇否昔范文正公知青州有惠政泉
溢出如醴遂以范名李錫令虞城治內井清且苦與
錫宜喜飲之後名李令泉嗜心勞撫字若我侯今日
由一事而事事他時書之史冊不一書而足泉將附
焉以傳歐陽公作淳樸山水記曰凡物不能以自見
待人以彰者有矣茲泉得侯名益著方之若范若李
夫何泰

脩文廟復九曲永記

尹源進

東莞人

朝誕敷文教首善有國學凡隸職方雖山陬海澨無地而不建之學所以教民而造士也士者民之秀傑他日將有治民之責而實則此日之民之子若弟也政匪教弗成民匪士弗勸是故賢有司與學博士他務有所未遑惟此之為亟湫隘則拓之圯廢則葺之使講有堂息有舍有藏書之閣有經義治事之齋博士及弟子員日相與討論其間既以養成其材以無忝乎公卿大夫之選而下焉者亦復知所勸勉不至自棄於罷民然而學必有廟此豈如浮屠氏之梵宮

香山縣志 卷之八 四十六

佛像妾希冥福哉庶幾春秋修祀事合樂行禮國之大事在焉為士者得以駿奔於几筵登豆之旁以檢束其身而和其心亦所以為教也香山縣儒學舊在蓮峯山下後徙建豐山之陽人文寔衰萬曆間用彤家言復蓮峯舊址九曲水遠其前士稍稍振起科第盛於疇昔歲久支流橫潰故道漸墮博士歐陽君毅然以修復為己任乃請於邑侯申君築堰埭東友瀉之勢決淤疏滯而九曲故道復開又以颶風狂逞大成殿屋瓦飄注兩廡塌檣星門啓聖宮石楹墜周垣多廢壞各捐俸金復謀於鄉人出遺棟滯穗用佐鳩

工庀材之費上不虧帑下不病農不踰時而飄注者
補塌者整廢壞者堅緻完密申君與歐陽君其曙於
造士教民之道矣抑余顧有進焉舉事者必先其所
急修廟與修學孰急必曰修學急今士講習游息有
地乎尊經閣有藏書乎熙寧三舍之法行乎安定經
義治事之齋立乎不然而亟亟乎廟貌是修得毋與
浮屠氏競誇宮闕之壯麗耶又況丹堊輝煌金碧錯
落且不及浮屠萬分之一也是不然廟貌者先聖賢
之神所憑依苟不足以蔽風雨學士之心必有怒乎
不能自安者事在創建則先學而後廟時常補葺不
妨先廟而後學理有宜然無足怪者他日修學告成
余猶將記之申侯名良翰涇陽人歐陽名羽文南雄
人王大猷毛天紳鄭光裕繆維斗諸弟子員則共襄
其事者也經始以某日其成也以某日

碑

縣令梁公德政碑

宋劉漢英

廣郡之西南舟行可四日許有嶼曰香山舊隸

南甯新四邑間紹興壬申始割而邑之前後 吏

頭行文書而已視邑如傳舍生聚教養漫不加

用具友邦亦弗靖令尹梁君以吏最聞擢宰是邑

車 茲土雖僻吾士亦天地間秀民惟閭塾黨

以課民子弟飲射脯祭之闕齒位德行之

去王畿為最遠視州長之教為最密令即閭胥族

師之職學乃比校讀法之遺意民未知教雖齊魯之

香山縣志 卷之八 四十八

邦 予不飭茲事其何以謁于夫子先時春秋

未應故事朔望再拜外足罕至學君於

廳事之隅限之程約訓勸獎課以文

也 職 日講釋經史君時未警諭諸生駢

怡怡 以義也 康畝斛微劣每

供二祀 乃跡其田之荒

廢得于豪民 二十有六捐俸量

直請于廣使以 之餽焉邑舊有南濠半疏半

壅襟扼虧洩欲導風氣者動以費尼邦之秀民連捧

賢書竟未有登巍科膺臚仕者君毅然決之疏庫浦

之沙岡引庠池之綠帶鋏鍾雲集旬有二日而訖事
前峰屏峙旁護玉立山川草木咸有生氣士旣飽德
民亦旣惠置倉賑濟丁歲大稔我用有年皆令尹之
已俸也灌田有陂瀨邑斥鹵化為膏腴即南濠之餘
波也里無桴鼓之音家無吏胥之席父慶其子長勵
其幼以毋違君命每役之興民子赴之敲鼓樓之茗
完易戒石之卑陋漏有耕籌坊有耕亭輪奐飛棘瞻
聽聳動徵功備器民無頽勞經始落成公有餘積始
君之未萬目睽睽君不以武競不以懦沮每前人疲
精勞思爬䟽剔扶而不能就者君能以談笑辦之前

人指爲迂濶不屑意者君則專心行之至告以催科
弦急不可緩者君輒以不能謝蓋君詩書吏爲政知
所先務不鄙棄吾民而民亦易使也諸生深感美化
一葦謁予曰自吾邑始創垂十九年矣得令尹而邑
之氣象始新自吾邑有學闈數令尹矣得令尹而學
之規模始就至于山川蟠結自天造地設以來伏竒
隱秀者亦得令尹而軒豁呈露焉其事偉矣願求一
言以誌予曰諸生心令尹之政化蓋有與邑相爲不
朽者雖不假予言若士與民他口寧忘之乎至于繼
心燈傳縣譜以無墜令尹之美意又不得不爲後來

脩縣治碑

元阮 泳邑人

嘗謂郡邑之建所以承流宣化也官得其人則民安其業豈有外邑廨哉邑視古子男國地方百里而封域乃大於古焉非得其人愈難於治香山土曠人稀昔為東莞縣之一鎮紹興壬申始建為邑袁南海番禺新會東莞畸零鄉分以實之從邑士陳天覺之請也歷百餘年彫瘵彌劇邑治荊榛戶口懸罄習俗簡陋且長佐驟更政卒罕善至元二十年甲申春將仕郎王公來尹斯邑滌篆之初以政新民以學賦政如春而煥如秋而肅崇儒先務也首葺泮宮勸農重本

香山縣志 卷之八 五十一

也次者徭役也至琳宮寶剎咸相與更新戊卒廨隸嚴加糾繩涖政旬月逋者復勞者安憂者泰衆咸宜之一日携邑父老訪縣舊治於草萊之中愀然曰民如子也邑如家也丘墟其家欲俾赤子安輯得乎乃毅然率先以鼎建廨宇為已任屏櫛翳畚瓦礫相陰陽捐已貲市廢屋鳩工聚財力甚勤也塵衣蹇裳躬其勞也是以天與其時地奉其利人輸其力經營於甲申之冬落成於乙酉之春廳事堂廊房廡宇舍凡昔之頽然蕭然者今皆屹然巋然矣邑人士相交慶口胸中有全室然後能作室豎硬脊梁運巧心匠非

公其孰能之吾知公不以驛視縣不以傳舍視官舍
方來事業有燦然耀人耳目者蓋碑以識其事若夫
銘公德政同壽鐘彝有人心之碑在後之紀姓名遷
次者必能覩公盛舉嗣公美意將見大書屢書不一
書與香山之名相為終始於無窮云公名天祥大名
路滑州黃縣人也時至元乙酉仲夏既望

張侯敬之德政碑

元劉復廬陵人

蓋聞天下之大海宇之廣設官分職各有攸可獨守
令之選每難其人必加遴選非有材優望重慈寬厚
仁通經術明治體知閭閻之疾若者則不足以膺是
寄蓋以大樸既散風氣日漓智愚不齊強弱相乘實
賴守令之得人有以開道善化之仁民愛物之本意
也蓋守令之賢否係生民之休戚令所在歲舉廉幹
以俟優擢於是守令之選益嚴矣若是則與茲選者
厥惟艱哉夫以守令重輕關係不苟理亂存焉故樂
於心則一境之人喜不樂乎心則一境之人懼官至

香山縣志卷之八 五十三

此亦榮矣雖然深山窮谷瀕海之民一或不得其所
能求直于鄉社之庭者解矣矧能赴訴於縣令之庭
者乎由是凋瘵痼而不能蘇下情壅而不能達戶口
有恒而民產無恒水旱之豐約相因民日就窮而歛
愈迫乃罔聞知吾見守令之難為也張侯敬之世家
北冀州之南宮早發軔於承宣之役繼膺殊渥循資
歷級出尹香山仁足以愛物智足以燭奸廉足以有
為寬足以御衆卓有材猷克稱厥職而無難為者下
車之初即敦勵風化勉飭學校尋訪民瘼悉去官之
苛政與凡民之不便者首以歲科柴炭漁擾為先務

慨然謂同僚曰吾民供輸之勞誠可矜憫宜具狀以
聞請憲司狀上適際當道廉明嘉尹所請頒榜革除
一時小民賴以蘇息且水旱必禱藜廢必興故黃童
白叟莫不舉手加額更相賀慰其士之耆宿權然來
言令尹溫恭愷悌公清正直民懷吏畏香山所未有
也盍為我記之以刻諸堅珉庶俾來者知所勸且以
見民黎瞻戴之誠余謂張侯之視民如子民亦仰之
如父母信乎書言民周常懷懷於有仁誠不負天朝
遴賢之典然余知張侯之心固無待於邑民之感慕
若此也而邑民之秉彝自不能氓侯之嘉惠厚澤何

至哉於是樂為書其實敬頌其德使人歌詠之於康
衢曰疇克為政勞民於思疇克為治視民如倪民力
竭矣困悴且疲既熱以渴亦寒而饑橫科暴斂莫取
怨咨賢侯戾止載撫載綏科輟斂息賦均役齊饑食
如蜜渴飲如飴暑瘳而愈茲寒而衣雨暘愆忒禱輒
弗違公宇百廢咸舉于茲召父杜母千載一時昔則
飲德今也見之克廉克介孔恕孔慈一境寧謐鯨波
靖奠民樂豐阜及時耨耔婦順夫旨子嚴父慈莫報
之德惟禱惟期早登台輔早振臬司為國元氣澤昭
德垂

重修縣治碑

劉復

環百里之地而為邑有令有丞有 尤有幕官旁求
俊又共圖治理必嚴選其令以為之綱皇元稽 建
官備矣於是冀州南宮張侯敬之以辰溪簿有能吏
聲擢香山縣尹至正甲申冬甫涖政顧縣治頽圯欲
謀新之念民瘼未理政事未孚年穀未登使民恐力
弗逮遂不果明年政平訟理歲豐民和侯以聞委從
戎事適鄰邑又不果越明天秋雨暘時若歲仍大稔
襦袴之謡竝作侯乃諭于衆曰縣有治治有臺所以
為民宣政化察邪正辨曲直者也風雨空穿梁棟撓
扞不新可乎咸曰不新則上無以示宣化之重下無
以聳觀瞻之嚴先後大夫秉政于邑者輒哀資議營
曾未興役以怠止或去今賴賢侯廉潔仁惠民力得
寬且全願各輸資効力期在必成侯遂謀諸邑簿唐
君實委吏掌費慎計出入徵匠僦工以農隙興事戒
匠氏以無侈舊制無棄良材由是民益歡赴之工善
吏勸忘所有事經始于丙戌之秋落成于丁亥之夏
邑士大夫序其始末屬予記之予聞今之居官者知
厲民以自養而已其視公宇如傳舍陵替於吾何有
哉其或知所務矣役矣而不恤其民或知恤其民矣

而德政不加恩惠不立罕能有以得其心是則雖欲使公宇之頽者圮者輪焉奐焉吾未見其成也必強之而後可乎強之則流於刑驅勢逼吾未見其成之速也雖成之速民勞而怨生必矣張侯之善有三解民之倒懸以息其力俟民力之全乃謀創邑宇而民爭竭力是不輕用民力其善一也農功漸收始興工役悅於使民民忘其勞是使民以時其善二也不增舊制諭以高朴費有而堅是節以制度不傷財害民其善三也備此三善所以得民之趨事赴功而事之有成宜矣昔召康公聽訟甘棠之下民思慕之懷樹不伐予知異時民懷侯德觀茲厦宇之巍巍其亦昔之年索歟是可書也已

銘曰太和雍熙肅清邊彘官得其人政無不宜民樂其業化洽以浹邑治孔新輪奐式協堂之渠渠民力之餘力靡民餘推令之謨堂之翼翼為民之式其式伊何唯令之德偉哉斯堂茲邑之光垂於千古邑以永康

重修城隍廟碑

明曹啓益

香山縣城隍廟肇自宋紹興與與城郭並建于一時迄
今四百餘年世享淳龐熙洽之化瀕海而國者屹然
金湯神之庇居多焉歲久棟宇圯蝕廟制隳然隘也
則歲相與愆之顧費夥而災之無從也昔令父母孟
侯涖邑申功令振風猷諸所勦革咸次第經略圖之
而屬邑耆民周鎮郭宗顏周延鄭綱楊維陞楊大倫
六人請曰廟之欲一新也數矣而竟以時詘見尼意
者神之默有待也非侯曷克舉之侯既得是請則朔
望請廟顧瞻興嘆曰妥靈迓麻孰有先於是乎夫令

香山縣志卷之六 五十七

之與神岐幽明而兩之誠風馬牛不相及至于彰瘁
淑慝使一方之民知所懼而不敢抵於罰則又若交
相待為理也矧金簡錫而平成格山川秩而有度熙
精誠感召之機驗如左券斯廟制之未恢也則所司
者誠愧之矣乃置印簿分給鎮等邊題邑縉紳士民
義助計得銀壹百柒拾餘兩不足侯捐橐裝資之揆
日僱工以歲時呈試飭百執事前為鐘鼓樓上下二
楹輪奐奕奕次為儀門香亭翼以兩廡欄楹甬道甃
以文石又次為中臺后為大殿皆易腐以堅并竅為
嚴仍故世而式廓焉城隍聖像加飾莊嚴逸六曹於

兩廓建夫人祠於西側隸人侍女分列東西大門左
右塑神馬二力士二經始於萬曆丁酉年十一月越
戊戌年七月而告成夫經國之準不以彌文侈費則
制隆秩祀之典不以非神徼福則禮協非此道也雖
極土木之華無所用之是舉也財不出公帑役不妨
農作功享其成衆不稱厲人胥和矣廟貌佻佻聚觀
濟濟風氣以敦溫厚攸萃神斯格矣歲時伏臘報祀
衿襃海氛不入頌祝謳吟德馨廣矣語曰有其舉之
莫可廢也噫由是觀之雖千百世且廟食無間焉疇
得而易之者事六人以修廢為已任可謂勤事足計

寸倍巨細靡遺可謂節費不給則措置補之可謂綜
理勤事義也節用儉也綜理敏也一舉而三善備焉
乃伐玄石列其姓氏繫以年月以志重建之所始

銘

儒學鍾銘

明李 庚邑人

於昭皇明聲教廣被率土普天熙然文治惟我香山
建學有制造就譽髦後先相繼弦誦有時庖 有次
範土治金爰命鳧氏翼翼以懸高堂其置扣之春容
以警以勵凡我同倫各勉爾思

文

勸學文

元左 祥

人生天地間惟學乃有覺覺則為善人不覺乃為惡
方其童稚時賦性本淳樸長為物欲昏氣習或澆薄
薄俗不禁止至理日銷鑠卑者不事尊強者必凌弱
二網既淪沒九法亦乖錯問之何因爾由其不能學
人為萬物靈於世當有卓毋為徒讀書心故恒自若
窮則善其身達則獲名爵明時正尚文鳶魚快飛躍
願爾投明師朝夕期博約前經要玩味古道要斟酌
累土可成山積黍堪充龠巍巍文宣王天以為木鐸
坦然垂聖教萬世忭有托我來尹是邦夙夜憂民瘼
才德媿不克未能化奸虐剽竊聖賢緒誠意重然諾
每日三省身奉奉不妄作良善我所嘉兇強即我卻
風俗期還醇氣質復所斲奉勸爾子弟勤勉無戲謔
學則為聖賢千萬加忖度

辭

關三綱辭有序

黃佐

關三綱者何關幽以為顯者風也人之大倫始於男女邇則父子遠則君臣蓋天牖帝迪存焉自世道汙亂賊作雖薦紳之貴妃主之尊泯滅良心入自禽門者多矣稽諸邑牒若馬南護趙孤於蒙狄滅夏之時阮與子封股以瘳父於垂絕之際蕭氏女當兵戈顛沛義不受辱蹈白刃年焉此其出於編氓生於郊廂而忠孝貞烈卓卓如是烏虜難哉顧世乃鮮有之者吾故為之辭

表忠

香山縣志卷之八 六十一

嗟沙涌兮龍蟠孔蓋駐兮鳴鑿啓蘭宮兮原桀繫禕
翟兮芳蓀塵塵兮珮馬弭絳節兮榛菅日侵以施
兮將夕列江蘿兮山之間運極兮逢不祥紛總總兮
大羊懷瑾京兮迢遞蹇將憺兮周章腥風騷屑兮血
人將安適兮九坑悵圖回兮日輟奮余戈兮魯陽顧
竭節兮效死獻玉粲兮瓊漿揚紛磕兮焉濟荃胡為
兮溘而逝玄輿返兮鳴

兮會計帳 望兮

履暴風蕭蕭兮丹荔長淦兮

龍髯兮高厲遁

西山兮遺襟踏東海兮捐袂願

秋兮翔翔銜木石

兮精衛

旌孝

嗟赤坎兮崇岵寒橋枝兮采芳杜君之去兮何時魚
 鱗鱗兮環堵芝楣兮蘭楔草生兮羅戶親莫親兮子
 父哀莫哀兮危苦引鋸刀兮剗股額昊天兮憫下神
 靈降兮燎寤斑斕衣兮興舞再誠通兮齋速幡歿壽
 兮在于羗遐舉兮高尋葛藟藟兮稷森森恍采入兮
 有人烏啞啞兮遺之音誰可與兮晤語魂彷徨兮淚
 泫泫長盱晞兮淹息浮雲鬱兮晝陰世涸兮回極心
 惻惻兮茲禽駸螭兮高駝君不可兮下臨彼鮑篚兮

香山縣志 卷之八 六十二

毒蔓衣夫錦兮櫻金君回翔兮徠下喟哀猊兮異心
建平夏宗仁進士為令熏揉父尸真篋中鮑魚臭達
 為吏民所逐乃去近時邑之逸民有持胡蔓殺母以
 嚇人財者真象
 猊也故辭及之

憫烈

嗟欖山兮嵯峨結瓊 兮哀歌有免兮爰爰雉何為
 兮罹於羅蕙幃兮 繚之兮葯衡淑女子未纓佩
 璫琚兮象璫芳菲菲兮若英志皎鏡兮冰雪氣凜凜
 兮不可凌生不辰兮兵不戢條而囂兮倏而突操吾
 鉤兮如雲抗虹旌兮蔽日咨拘縛兮絲焚熊羆革兮
 狗狺狺冠履兮共約玉石兮同焚朝北渚兮純束夕

東亭号轉鬻斂髮号受刃誓死号身不辱身不辱号
省離耳荼毒号如飴魂為虹号冲天觀者淚号如糜
山有木号條肆特余心号不移木策策号風脩脩儼
金文号翠旗

香山書院告辭

何吾驪

羅不佞謏劣老於山澤辱諸賢咸虛推仰殊絕內顧
悚慚媿莫裨益方當竭誠直躬不敢婉委負茲日月
敢用瀝陳多賢是多維天鑒茲維 帝有赫既登於
途罔有攸射維忠維孝是訓是式禮義恭敬是陶是
沃掃滌塵氛講明學脉暗室勵脩周孔是揭方矩圓
規勿差毫髮母昵聲華母尚周滑母唯賄聞母邇櫻
櫻母智自雄母幽以譎母卑苟安母邪自媒罔狎公
門淄我純白罔遊市井爍我氣骨罔習訟言薄我忠
赤母工詩張交亂四國吉人令儀亦孔之碩國人敬
之如金如璧為皇股肱作帝輔翼世有令問交頌明
德仰我請賢敦崇先覺戒用苦詞炤我肝膈庶幾夙
夜毋墜茲席一日長爾願言三復謹告

賦

止遷墓賦為蕭烈女作

明陳獻章新會人

昔兵戈之據兇盜兮孰俵俵而握之符兮號令紛共
不一兮汨淚玉於泥塗抹之亂之執兵之狗而怨兮
胡寧知耻而畏誅若美人兮宗廟之瑚無我即帶兮
毋我捫祛毋我執手兮手可斷而不可污奮犬豕之
罵以冒刃兮貌凜凜其若蘇死則快兮生安用請嗟
此烈婦兮彼丈夫弗如丁侯為縣兮德教用敷表貞
塚兮營祭舍行路嗟嘆兮搥聲教於海隅蠢茲弗畏
兮託日者以為誣欲改封以自便兮動有識之長吁
匪今侯之繼軌兮隳四尺其奚辜我將告外史兮筆
之於書

粵會賦有序

黃佐

佐自幼知讀書先考躬教之十有二而舉子業成乃更學古文詞賦嘗撰越都賦以擬左思稍長厭其枝瑣乃芟整之更曰粵會賦避僭也其辭曰

百粵之會是為南海仰稽璿璣星紀所在黃鍾協律赤燠流形上燭南斗之精下凝衡嶽之靈左跨荆揚五嶺之重阻表以靈洲黃嶺之山右瞰牂牁溟渤之洪波帶以桂鬱滇肆之川神鼇奠足星鵠頰者睇睩甌閩若趨若走前有虎頭之門限隔島蕪來航萬里汗沿瀾而凡躡羅真臘之屬其布猶恭焉於後則

香山縣志卷之八 六十六

白雲紫雲迤為越臺曹幕地湧石門天開跋以羅浮璇房瑤室穹窿嶺峯巖巖鬱律朱明靚深鐵橋葉岌神芝珍禽往往叢集近郭則會以九曜縈以三江表裏回游奔峭飛淙沉珠拾翠礪砢盪激入極浦而遶迴速不知其所適於遠則循浣口以荒極得靜福之寒林接黃連之巨嶠信南戒之喉襟呀峽山而陟韶石撫神臯而挹奧區蓋自未縣之外於焉重啓堪輿晞陽光於夜半搗靈景之扶胥殆有大章孺亥所不能邇林間梗概靡得而書者矣方姬錄之季寵秦擇肉勁越守險戶尉睢而摧監祿雖大荒之南徼風氣

則通乎域中道汙而汙道隆而隆東井緯聚龍戰函
夏季以北王位以基霸遇呂雉而自君待漢文而後
絕潼關以立國迄獲嘉而始郡鄧讓貢而漢復炎
區景攘而火終運郭馬亂吳盧循覆晉馮歸隋治劉
據唐衰至於銀降真伏雖百世可知也宜其可定為
巖邑定係皇輿之安危然而議者猥言荒裔殊異要
綏豈不戾哉自我朝聖明之適興也淮飛神龍陸翳
長鯨薄海內外固有不庭左丞稽首遂合三城千雉
弘麗五壘飛鷲增拓黃圖延納丹溟媿周法而刻元
歲陋器隳之所經營於是登望則綴珠崖巨銅柱跨

香山縣志 卷之八 六十七

龍編揮鱸渚北通燕薊吳鉤楚距萬里帆檣蠻烟蜃
雨胡賈鼎來所居成聚斷虹北颶戩船滂嶼其氣候
之不齊或瞬息而備寒暑然而謫徒寢繁華風日邁
霜雪時降民不告憊允矣樂國四方所屈寔泉貨之
淵藪彙夏之都會也內則閭閻樸地長衢廣陌閑闕
七門溝瀆六脉 列市塵囂分貿易連蓋結駟填塹
相射莫不奴陶頓僕翁伯卑張里臺濁質囊橐孔銳
歛斛仍溢夫馬蹴紅腐緡纏朽赤仄執牙籤以夜籌
向什一而今千百山澤之沃鍾為土毛禾稻綺錯杭
檣穠穉塍埒交經枕海連阜秋成豐蔚富侈相高賽

杜杆年或沉湎而自豪其布帛則攀枝吉貝機杼精
工百卉千華凌亂殿紅蕉芋雲浮綉鮓冰空踈締蕭
暑密斜弭風其材木則椴楠松椶楓樟杉榆檉栝穀
椴榕櫟椿樗合抱隱岑千仞排虛剛柔性異貞脆質
殊卑高沃瘠各隨所如其香藥則沉檀安息白膠青
木馬牙雞舌龍腦天竺卷柏茯苓青精黃獨宜另盆
毋有繁其屬其果則盧橘楊梅黃蕉丹荔栻橙丸金
櫟袖幄翠橄欖餘甘五斂千歲人面薦仁宜濛醞水
其蔬則金蓋玉蕨香菌紫芝杞吠靈虺芋眩蹲鴟樹
茄後薤紅葩綠蕤擢蓊盈園擢芳映畦至於鷄豚散

野牛馬量谷家積登椒戶映藤竹魚鹽漆蠟其集如
簇泰術廣於齊民之篇植品多於桐君之錄矧又火
伏孽危海絕懷珠山熾水封鑿礦攻瑜據險角力歲
固莫居賈身徇財卒 為愚島舶之未有築其實嘴

錄 釧璠璣璋璪璣珮瑟琴璫 瑪瑙玻瓈珊瑚瑠

璃車渠木難火齊陽燧方諸龜筒鶴頂犀角象齒猫
睛日耀鴉鶻霞綺流黃空青縹碧紫英其罽如雲其
曠如星蓋廣南之富傳自古昔苟非上失其道則亦
無郅於捐瘠故其民莫不因歲時事娛嬉蒲澗越井
吊古探竒騰吹峻坂弭蓋清漪遨遊頭以借樂導雙

旌而前馳亦有俠客疇人五豪七貴掄魚鬪雞攤錢
角觥六博五白絃管流涕爰長騁以遐眺挹自然之
神麗循東溪陟北岡度樾橋至珠江刺桐木槿含榮
吐芳素馨茉莉旖旎芬香柳漿醉客侑以檳榔竹枝
金縷翠翹鳴璫擁宦齷之蛾眉萃薤薤之衣裳蓋處
沃土而淫惱民之常也方和樂而謳吟世之昌也使
歌喬木之南有戒蟋蟀之太康則雖好樂又莫傷焉
盍亦覽霸迹以自明乎昔尉佗之在秦也力政毒痛
血民于牙咸陽瓦崩萬寓塗擊於是乘黃屋而自王
摠朱垠以為家乃據秦府庫殺其良吏營宮建室自

香山縣志 卷之八 六十九

置神器 門曲榭坻鄂弘闕虹梁纒連雲構林植既
崔嵬以宏璉又 豁而曩負左籛以朝箕踞魁結爰
立相臣御史中尉將軍郎吏盜竊秦制閣道圍闕高
甍甲第上崢嶸而環璋下 履而繪績避暑離宮不
知其幾沆莫能名具一二焉猝遇陸生築臺朝漢蒸
土切厓揭孽隆矸帶霓承雲立其楨連岫複坂環其
畔視奔星之俯馳挹流泉之澆漸國終於轡女歸
餘基之漉漫民生其時亦孔之愆工役不息肉刑且
施辟張羅以絕飛走又為豺虎而毆之漢唐休養施
于五季兵纏紫微蠶及丹裔劉龔儻據業承先世身

為蛟螭恣厥吞噬乃自謂膺乾符執坤樞熙鴻名恢
駿圖鑿翠闢郭繚瀛作都雋闕徼道九軌經途門千
戶萬宿衛周廬構乾和之寶殿法太紫之矩摹抗應
龍於闈闔耀玉題與金鋪果愚洎泆以迤邐藻井狎
獵以紆敷後宮則有禹餘太一景福龍應玉清思玄
南宮定聖南薰別殿北接明光椒鶴貫魚袿服靚妝
溫室甲帳永巷迴廊錦華復以懸黎緣繡栢以壁璫
苑園則有昌華芳華年泉望春飛橋跨沼崇桃映津
汪杯濯足翼翼鱗鱗離宮闈館亘五十里呼鸞載道
引以蘭鈿蒼蚪銜綬曰澤衛 特升中於圓丘或耕
籍於東鄙復通鄰而耀武啓封疆而自喜左三湘而
右八桂控賁禺而役交趾又有玉液之池明月之峽
含珠之亭紫雲之閣紫壁對峙沈泉旁達脩篁灌木
青翠相發風露披瀼於翳蒼日月投光於巖穴躑名
勝而建浮屠宮于四周者二十有八叶列宿之景曜
金磬鐺鉤而互答蓮彼北川迄于西城層軒疊閣建
鼓揚舲宮娥競渡貂璫練兵招羽人于藥洲陳不死
之丹經又有三事六官府署司院蘭臺石室濟濟儒
彥虎鷗開幕關戟戩弁張鄧列庫征摧克羨金棧供
御紅雲設宴蟾姬瓊仙握爵銜憲學士自宮以求進

才人調謔而相見乃設水獄劍樹刀山視棘之貴就
僂猶當處磔散於黃墟腥德通乎玄問民亦何辜罹
此凶艱蒙狄方興宗社將屋識符四廣厄鍾有六鑿
輿狩于佳門竟膠舟而不復百萬王師盡化為魚貞
后忠臣之氣恒黠慘而不舒然天厭其德神運五謀
脫揚王於潰伍肇無疆之聖休則夫經慈元之殿陟
瞻永福之陵丘徵天道之終勝而異必詠秀麥之油
油嗟我駘首羈縻於塞日為苛政所芟彘豈徒猛於
虎而已哉乃哀籲于穹而欣戴我聖祖皇矣聖祖
德合泰清命彼征南掃北攬搶風丘月窺歎塞未庭

照幽滯以天光振潛藝以仁聲故雖有學之遐邇仰
人文而化成洎列聖丕承蕩蕩涵育三辰受撫四靈
在畜道胡不臻化胡不穆天地無為鼓其化者柔籥
神功不宰分其治者岳牧是以簡賢哲之霽霽用班
布乎南服乃建薇藩其藩兢兢乃建霜臬其臬巖巖
都茲兵閫竝立為三驄馬行臺以察以監十府七州
雌塗郡閣縣踰六十犬牙間錯駢駢庠序泮宮俱作
衛所戎行督艤理舶巡警置郵犴司蓮幕裁棟宇而
萃胥徒依崇墉而臨巨壑於是宣天彝恤民恫播芳
猷息囂風開誠展才表正景從思齊處默抗迹敬宗

使茂德流於有截而芳訊垂於無窮函氣之屬聲教
漸浹雖推埋之雄游俠之客奇衰之首侏儒之域莫
不革面而澡心沐浴於皇澤是以邊鄙不聳海波不
揚男勤稼穡女務蠶桑黃耆台背遊戲康莊耳不閉
乎抱鼓目不瞠乎牙境歌禾廬之既登談穗石之為
祥今日之民可謂康矣春王初吉置酒交會粲粲

服鏗鏘劍佩元夕冶遊鰲鉦絳天士女如雲寶馬璫
清明簪柳椒漿酬墓端午酌蒲錦幃競渡中秋重
陽汪芋題糕亦既醉止其樂陶陶春秋社蜡椎牛醜
洒飲以兕觥有濡其首卒歲大儺伐鼓鳴葭銀子萬

香山縣志 卷之八 七十二

童帽者謹諱左軒魁魁右磴蜺蛇宸網為之跼跼况
黃犬與赤虹迄守歲而迎春俗靡愛乎紛奢觴茅柴
而羹谷董亦何恤其無家循河南岸市比如櫛齒革
果布填鑄髹漆藤竹諸器巧逾天出烟雲連騎羅綺
盈室殊方異類豪舉叢集登山取材則柯株攢露傑
湧封塵花梨蒲蓮積猶棘薪煮海為鹽則雲濤漂緋
炎甌烹素神液磊魄耳鹵布護至於狍狗瓊瓌聆鯨
紛披握椒片糖天下所資每易致而輕視或塵泥而
棄之今日之民可謂庶且富矣且夫世方倣擾則龍
蛇起陸駟羊在野山呈古劍海出丹馬今也青雲干

呂靈鈺順經和颺車澍疵癘不興不童不涸不騫不
騰嶽祇貢杜川后效楨城埤隍杜羣公先正春秋秩
其祀事莫不流盼嚮而飲德馨然則山川鬼又可
謂寧矣東北多山獸走鳥翔鳥

鵠山明鶴 鷓

鷓鴣繡質

鷓經章白鷓縞衣金鷓黃裳晨風林

鬱時鷓山梁爰居達煖賓鴈避涼鷓鷓以言而畏歟
孔翠因羽而懼戕映明壑而迴翫戀赤霄以悠揚獸
則麇鹿麇麇 獾狻猴麇狼緩獾土麇沙牛甲攢陵
鯉箭豎豪樓辣矜角逐狸兕儻游狃龜續幡狹猢猻
蚪飛枝擲於猓獾曾崖響乎獲獮蹲深谷而駘駘發

香山縣志卷之八 七十三

密藪而呶啾東南多木輻星浴日珠池貝闕螯宮鮫
室鼉鼉鯤鯢於焉宅窟鱗鬣聳山鱗春揚鈿鯉鯉龍
喙鯊鯉虎質鱗鯨嘉於丙穴鱸鮓夥於沮漆鋸張牙
而戟立劍窺鳥而墨出蝦寄目於水母蟹或腹于璪
瑤海僧泣而占災天吳舞而颺颺胃眾網薄獲必盈
槎編鱗魴鱧鱠鯢鷺鵝毛鳳尾白飯黃花腰帶橫
擲比目貼沙蒼芒蒲赤蒸雲擁霞鱗介交錯既物且
躍煦沫涯瑤睢盱灑洩蚌煙螭蟪蛭螺蜆蠣蛤鱉帆海
鏡江瑤沙白車螯胡鯉蠟蟀蟳蠃仙掌瓦屋石首筍
殼雖汀渚之湧濊猶露鋪而潛鱗然則鳥獸魚鼈亦

既成若臭噫乎天之生物也寒之則彫暴之則榮人之居室也多陰則幽多陽則明惟陽明勝夫陰濁則扶輿淑氣戕而弗傾故嶺海炳靈英俊挺生鍊金之鼎比玉之貞樂道好脩晞古振纓騰其實則為龍光蜚其聲則化鶴鳴邁迹董正疏源則德詔世程追縱羅威唐頌則孝闡天經迄馮翼以儀我天朝也格泰清莫奉寧輔皇極陳丹誠畫置置以合紀力擅擅以承楨苟非其時不榮以楛寧為峴峴無然碌碌彼其兆楚相之僊旱馴滙令之白鹿司中正於州閭宣威信於蠻俗又孰與謝湘東以捫蘿遯年溪而采菊也

香山縣志 卷之八 七十四

哉若乃囊笏視位獻鑑楓垣海鷲托諷白羽銜恩從其謨則儲闈靖謚違其諫則擊鼓喧闐張曲江之相開元也平章綸有獻納台司一介不取九死不移安居則非己有却賄則畏人知劉湟川之相懿僖也鷓池擣藻鶴駕養正臺閣品式禮樂命令直金華而獻五箴循秩宗而贊八政馮道宗之傳天聖也力辭相樞疏十三陳秋圃寒香願老海濱臨邊則金人失其勇智登陴則逆卒聳其威神崔正子之為千載一人者也然且躅姬周贊夏商鯀濟虞鷄聖唐駢貫三才周明五帝日看霰乎道德期曼羨其輝光逝洙泗而

涸源挾伊臯與翺翔蓋偕昊天而出王洞化育之洋
洋者乎於是旻旻青衿番番黃髮凡竄屏葭葦與鳥
獸羣者咸佈焉憤排而周闕旦夕敷言靡國不達競
倭俶儻晷忽昭察稅隔局而祭鏡易叨墜而闔澤乃
駢坐而謳曰猗粵之昌兮猗俊之章兮彼紉葩環麗
曷克當兮端拱治世儀鳳凰兮後五百歲受厥明兮
圍圍縵縵雲之鄉兮緇積疇璫粵為鄴鄉兮皇兮唐
兮慝天則以無疆兮

午日咏嶺外風上

齊魏 收

麥涼殊未畢
蛩鳴早欲聞
喧林尚黃鳥
浮天已白雲
辟兵書鬼字
神印題靈文
因想蒼梧郡
茲日祀陳君
陳君乃邑人陳臨也

汪石歧

唐鄭 愚

此日携琴劍
飄然事遠遊
臺山初罷霧
岐海正分流
漁浦颺來笛
鴻遠翼去舟
鬢愁蒲柳早
衣怯芰荷秋
未卜虞翻宅
休登王粲樓
愴然懷伴侶
徒爾賦離

過零丁洋

宋文天祥

辛苦遭逢起一經
干戈落落四周星
山河破亂風飄絮
身世浮雲雨打萍
惶恐灘頭說惶恐
零丁洋上歎零丁
人生自古誰無死
留取丹心照汗青

香山縣志卷之八七十六

集杜句有序

前人

御舟離三山
至惠州之甲子
門駐馬已而遽官
富場丁丑冬
敵舟來移次仙澳
與戰得利尋望
南去止碇洲
景炎賓天蓋戊寅
四月望也嗚呼

痛哉

仙澳即深井山

陰風西北來
青海天軒輕
白水暮東流
視斷蒼梧帝
哀歌書烏巖山

鄧光薦

歲云暮矣可奈何
雲愁雨濕陰風多
林壑摧殘海鷺

波慘淡一色無山河哀鴻磬磬舊枝柯飛矢不容愁
虞羅深山短景一鳥過會看明午風日和

避亂至烏巖山贈趙永節

前人

流水桃花人避秦誅茅西嶺結為隣如公高友浮丘
伯顧我早師梅子真棋酒從容新里社衣冠蕭散古
遺民他年史傳收芳跡應許牽聯作隱人

其二

草草茅茨楃數椽雞鳴犬吠白雲邊此山此水前無
古能酒能詩亦是僊奩鏡曉開林外海佩環夜落月
中泉彈餘棋局聽樵斧猶恐還家不記年

香山縣志卷之八 七十七

哭祥興帝

前人

翔龍宮殿已蓬飄此日傷心萬國朝日擊崖門天地
改壯心難與海潮消

其二

前人

黃屋匡扶事已非遺黎空自淚沾衣象星耿耿滄溟
底恨不同歸一步微

游元興寺

前人

坐閱人間幾劫灰試從清淺問蓬萊此山此水自古
有是佛是仙何處來

春日勸農

元黃裳

原隰東風二月時勸農聯轡到天池宦游花縣三年
舊心事香山有姓知民瘼未甦思活策春耕宜早起
先期有情祇欲陳忠讜天遠無由到玉墀

遊龍井

前人

飛瀑藏龍殷殷雷眼前蒼翠自成堆只緣間俗頻馳
馬豈為探竒數舉杯井面虹霓隨日見山頭雲雨不
時來春遊正與民同樂惟願青天萬里開

考滿自述

前人

製錦無才偶四年為憂民瘼覺華顛公餘風月酬詩
債客對琴書當酒筵縱使便枯南海水斷然不飲石

香山縣志 卷三八 七十八

門泉灘頭波浪雖云險到底難傾載月船

刺桐花

前人

聞道鄉人說刺桐未花先葉是年豐我未到此憂民
瘼只愛青々不愛紅

拈桂歌贈周高文上春官

明黃哲

番山亭亭讀書屋蕭森古桂屯雲綠可憐芳樹着秋
花西風吹吐黃金粟周郎今年二十餘築屋花邊勤
讀書古詩研磨正風雅志節矯矯非凡儒秋未拈得
庭前桂擡袂先趨棘園試欄袍真帶廣寒香名冠群
英三十二持書好去登春闈朝天拜舞生光輝洪恩

更許南歸者載酒花間榮綉衣

按尚文為洪武首科解元聯捷進士

武山觀月

黃經

刁丰寂無聲銀蟾夜自明林風吹短鬢秋氣肅孤城
漫作劉琨嘯仍含庾亮情樓^頭笳鼓曲曲曲樂昇平

壽星塘

前人

靈潭含曉日喬木入寒烟野鹿啣花戲巖龜傍石眠
歎聲南去雁一騎北來仙縹緲飛霞裏吾將問引年
赤坎村阮孝子宅 前人

香山縣志卷之八十九

阮家門巷草青青綽楔空傳孝義名到脅救親天感
動至今光彩照圖經

寄題友琴堂

汪朝宗

華堂揭榜見真心取友平生只一琴九死不枝曾抗
疏百年難遇是知音孤忠大節乾坤動流水高山海
嶼深研喜移居薇省迂請官樽俎日相尋

圓攬山頭有雙樹連枝者下有古墓存焉與諸

子異而賦之

李孫宸

雙根古木接枝垂下有荒墳事可疑應是芳魂曾未
死故將幽恨表連枝

其二

想像泉臺事豈真來生未盡宿生因人間歡合隨流水
得似雙枝歲歲新

其三

白楊烟雨畫冥迷何處牛羊下古堤獨有關情雙鷓鴣
春來偏傍墓枝棲

宿欖山書屋

陳憲章

一片荷衣也蓋身閉窓眠者乃何人江山雨裏同歌
嘯今古人間幾屈伸長與白雲為洞主自栽香樹作
齋鄰山中甲子無人記一度花開一度春

別欖山

前人

香山縣志卷之八十八

羅浮山色眼中來老子心情不易裁高浪不驚南海
舶白雲聊共欖山林未知竹徑留人否那問天公著
雨催主人更道秋來好收拾黃花待我回

春暮酬黃廷美見過

前人

秧抽平野綠初勻乳燕飛飛不避人春盡忽驚花去
眼老來空有病隨身藥爐看火人事廢草履登堂客
子親與話平生燈火事羞看白髮滿烏巾

丁明府置蕭烈女墓田鄉人奪之 前人

歲月人間豈待深等閒興廢遞相尋祇應烈女墳頭
月還照當年茂宰心

自香山泛舟歸粵洲草堂漫興 黃 畿

日暮長風吹釣絲扣舷歌向月明時
乾坤納納長如此世事悠悠自不知
積雨盡從滄海去高山不逐白雲移
等閒領得東皇意草色花香總是詩

登蓮峰

前人

振衣舒嘯陵崔嵬紫翠簇簇臨風開
芙蓉千丈海中出文筆一枝天外來

孝子感虎歌贈黃粵洲

廖翼南海人

黃孝子過於菟孝子慟哭不自覺
氣吞於菟恰若無於菟初來威烈烈
咆哮未登石欲裂須臾俯伏孝子前
叩頭致敬腰為扞吾儕旁觀股交戰
孝子淚眼何曾見乃知至孝通蒼昊
嗟爾於菟良有神

香山縣志卷之八十一

全后疑陵

張詡番禺人

全后燕京去不還一陵誰道葬香山
頗疑也只衣冠在月色長如照母顏

遊西林庵

張通鳳陽人

寶地高蹙絕壑間回看下界小人窳
天涯滄海自消長洞口白雲空徃還
客鬢逢秋休著意名山對酒且開顏
肩輿興盡歸未晚又得浮生半日閒

其二

野寺蕭條古木微，老僧相見話禪機。
雲深石洞玄猿斷，烟鎖松林獨鶴歸。
上界躑鍾通碧落，邊城哀角送斜暉。
浮生自覺渾無定，欲解鳴珂問釣磯。

和前韻二首

謝佑桐城人

洞口停車一笑間，却驚身世出塵寰。
上方知僻人稀到，斜日林深鳥白還。
在處雲山堪滿屐，坐逢泉石即開顏。
豪吟清話逢知己，又得浮生半日閒。

其二

一徑宮闈上翠微，再尋幽寺得忘機。
雪峯鳴磬鶴先去，茶竈斷烟僧未歸。
滿眼白雲迷野樹，驚心黃葉散

香山縣志卷之八 八十二

清暉鄉園更有湖，山景何日扁舟買釣磯。

北山

黃瑜

青門鬱蔥蔥北山，佳氣濃不見邵平瓜。
見此金芙蓉，芙蓉歷冰霜，秀色射埤海。
喟彼真心人，素履長不改。我祖廊廟材，早沒隨蒿蓬。
大母矢靡忒，白首有耳所終。時平共鍾鼎，世亂逐戎馬。
緬懷東陵侯，哀歌淚盈把。

壽星塘

前人

汪汪壽星塘，上有嵒與岵。岵岵松相悲，風未驚波渺不起。
岵岵日登望，父母嗟何之。驚波有定日，皆淚無乾時。
誰云蓬萊仙，夜來駐筌鶴。刀圭如可求，庶幾起冥漢。

嗟我寸草心萋萋徒自傷淚下不可收日暮驚波長

長洲山

前人

微雨淨山綠賣心投鶴羣拂蘚憇幽洞松花如密雲
龍漱接獅窖石瀨時遠聞野煙濕苔逕牛羊下斜曛

獼蜜山

前人

西林簇龍象昔為獼所穴道暹入蒼翠永與炎埃絕
禪詰落松風灑作襟上雪坐久明河沉疎簾掛海月

鳳凰山

前人

桃花悄無源仙妹渺何許空餘一片山欲逐鳳凰翥
長林暮蕭颼似送飛瓊語倏然卧荒村清猿深夜雨

晉山縣志卷之八 八十三

梅花水

前人

早春適川上興隨流水長時有白雲至遠帶梅花香
口誦文山詩目送孤鴻翔悠悠宇宙間是非兩亡羊

悲井澳

前人

宗末童謡云江南破白鴈過又識云逢崖則
止後伯顏破杭遂至崖山而亡

白鴈過江南破更無一寸土可坐自闕入廣隨波流
氛塵暗天天亦愁黃蘆覆岸風颼颼上有深井下有
仙女溟漁舟不往御舟到風吹御舟力排莽嗟嗟悲
哉誰與告誰與告兮悲復悲逢崖則止會有時星星

之火異威為君不見青苗行時不敢語大事已逐黃
龍去又不見金牌出時不可回殺氣先隨白鴈來舒
王生鄂王死宋家刑賞乃如此嗟嗟并澳徒悲爾

題馬侍郎南齋故宅

前人

萬里風塵染赭黃遙從炎海望錢塘鴉啼曉日樵蘇
集花笑春風輦路荒鄂國有靈餘草木思陵無策失
芭桑龍沙北望成今古猶有人傳馬侍郎

春日過縣東無量寺故址乃劉中行宅

前人

春日尋幽獨向東烟塵埋沒楚王宮劉郎去後桃花
雨杜宇啼時貝葉風又六金身何處所大千沙界浩

無窮絕憐色相歸空後惟有鳶魚指顧中

全后疑陵

前人

南臺北臺浮黛鬢宋朝陵墓徧荒山玉魚金碗誰曾
見梅花流水空潺潺

蕭烈女

何派行

西風吹血濺戎衣負骨山頭忍淚時青塚月明啼杜
宇綠楊烟淨黃鸝百年俎豆嗟殊工千古綱常耀
短碣望闔州雲沒處墓前芳草正離離

前題

齊啓和

此理人共得天命豈有私詐意板蕩世女子獨能為

紛紛豺豕亂擁逼難支持白刃尚可蹈丹心定不移
慷慨一投首堅貞重鼎彝賢侯隆墓祀鄉彥悼以辭
世代念四易族姓揭其遺誰操國史筆表揚其在茲
耿耿芳名在二竇與同垂何如偷生者豈足稱男兒
我為長太息援筆一題詩

仁山書院為鄧侯賦

鄭之藩

高菱丹崖淑氣收宦遊猶勝赤松遊飛軒隱結朝諸
島曲檻紆迴帶遠洲中鎮七星為泰岳南賓五嶺作
蓬丘公餘便讀三綱領不媿人稱仕學樓

仁山書院次鄭孝廉韻

鄧 遷

香山縣志卷之八 八十五

仙羊真氣未全收瀛島高玄足勝遊叢桂盈盈金玉
闕扶桑歷歷鳳麟洲海外烟霞還赤縣花間臺榭亦
丹丘江湖登眺朋徒共北望京華萬里樓

登香山次劉潮陽韻

前 人

三年作縣花能簇萬里朝天葉正秋遠水碧空元一
色高雲青草共誰游梧州江上傾春蓋蓮石灘前滯
夜舟分手馳驅遙憶汝崇陽鳧鳥未應留

遊通天巖同林二山憲副

黃 佐

石林展竒眺飛憶蓮崇阿翠壁中洞開雲日相盪摩
桂戶頰瓊闕花宮敞銀河四顧絕埃壘顛氣流靈和

披襟修蕭散盤礴興嘯歌陶陶隨所適野酌依烟蘿
皓月照低柳微風揚澤荷褰帷自茲去真賞豈在多

石歧夜泊

前人

香山秀出南海堦四圍碧水涵青天七星峰巒擁樓閣
北斗照耀開雲烟雲烟有自峰巒起覆露千家連
百里漁歌菱唱不勝春桂掉蘭撓鏡光裏石歧夜泊
白鷗沙南臺縹渺浮梅花蛟浦澄澄洗明月龜城藹
藹升繁霞繁霞明月從昏曉翠棋朱藁紛薜蘿井澳
空傳北騎仙鳥巖多見南枝鳥鳥飛仙去杳難尋木
自成橋水自深登堂一入青山郭高友惟聞綠綺琴

香山縣志 卷之六 八十六

綺琴古韻真奇絕正氣當年動滄汰共言解愠協薰
風誰悟知音成白雪白雪薰風調莫彈栽桃栽柳世
稱難身隨列宿歸天上跡比靈光寄此閭大北山前
松栢老壽星原上多瑤草采采今為南陌行迢迢昨
憶青門道道出青門月子岡浴鳧飛鷺滿蓮塘競誇
北里 牛馬絕勝西康集鳳凰豪華比屋何須數海
錯山珍棄如土到處那無種玉田營家自有藏金塢
豪華堪美更堪悲零落山丘能幾時紅錦歲 裝平
臂磨滅芳名誰復知此時壯志期鴻鵠此夜踈燈照
帆宿浩歌梁甫回陽滄波渺渺素田綠

宋行宮

前人

沙涌清夜月曾照宋行宮未抵黃龍府空悲白鴈風
丹心思蹈海正氣化成虹苦遂厓阿願吾鄉有大忠
在松濤猶似擁千軍

張太傅墓

前人

棄官歸香山口號

前人

十載行囊一素琴寥寥天地幾知音淵明已有歸來
賦和靖初無祿養心北郭晚田堪白酒東籬秋菊盡
黃金扁舟一去隨明月回望蒼梧空綠陰

香山縣志卷之八十七

志成補闕一絕有引

前人

予潤邑邑志既成編矣偶閱更得一事天順
二年三月廣東副總都督翁信奏海賊四百
餘徒犯香山千戶所燒燬備邊大船備倭都
指揮張通坐失機殺賊贖罪由此言之吾邑
海嶼孤絕寇盜易犯不可不妨也今預備糧
以備軍旅警戒無虞其在茲哉田賦此
簾前雙燕舞薰風階下葵花向日紅山邑若能留鄧
令海船何事用張仝

香山象同作相師過吳門解帶贈別余報以漢

鼎黯然之懷詞不能盡

文震孟 蘇州人

有詔還山戒殿爭從君同日出春明共過鶴冷梅間
地重說雲翻雨覆情解帶幸分香比得報瓊聊借鼎
為名時賢別具戈矛在誰挽天河洗甲兵

訪何相君遥望攬山有作

陳子壯 南海人

若士相望海越寬莫疑西漲有狂瀾蛟龍起處多成
島日月分流 作灘識面乍逢漁父問輕身欲 水
仙餐前溪一曲閒情興暫采芙蓉報不難

寄題香山相公元氣堂

錢謙益 蘇州人

嶺表山川規外星扶胥海口累青冥為園五畝無多

齊山縣志 卷之八 八十八

地元氣堂臨浴日亭

讀邵文莊集寄題二泉書院

何吾驪

神龍不可豢澄江不可撓忍謂道委蛇權闡屈矯矯
苦心漕政書大笑出門了戴笠自 丘舞斑以終老
粹然証聖宗輿論歸皜皜俎豆虛几筵清風來蔣藻
君子弗可謾民秉終同好一朝豺虎屏青青易臺草
移居鐵城貽友人二首

伍瑞俊

馳驅別丘壑太息問孤城地水思中吉天山感五貞
尋涼雖未速擇里幸同聲相見為懽日差忘離亂情

其二

亂離雲壑淺草草漫謀生我病因貧劇君懷到老清
何期值茲日寧暇問浮名雖有還丹術馳驅悉未成
濠涌水閘成贈馮明府
區大緯

烟濤何處接溟州怪兇雄鯨出上游舊跡百年歸巨
浸庶攻不日賴嘉謀直教半壁憑支柱何事投鞭可
斷流由此金湯萬年利看人開放五湖舟

馮明府驅虎

伍瑞隆

日日山城打虎回誰知官有阿昆來只
幾有精誠
字縱有悲風嘯不開

羅南府刺史晚過

香山縣志卷之八 八十九

山依官舍柳絲垂客到開
窺春盡幾人花下

酌月明猿留嶺頭吹試

碧池解組十年君高憐予五斗折腰時

白鶴峰謁蘇文忠祠

前人

竹樹蕭蕭岍葦秋先生祠廟枕荒丘千年白鶴峰頭
老萬點青山海上浮才大英雄多睥睨身逢聖主更
窮愁振城日落寒雲冷讀罷殘碑淚欲流

仁山古羅漢松

馮祖快

我愧崔斯立茲山却有松陰來和歸鶴坐去失夙龍
雨過穿疎月風生雜暗鐘已成羅漢果何用大夫封

九日酌迎陽石

傅孺

赤榕樹底日沉沉
踈雨欲來陰復陰
萸實乍添糕裏
屑菊花同酌
鼎中金縱橫
山色風煖手
瑣碎秋光霜
葉心高興未應
年老減故憑
佳節共登臨

平嵐中秋飲林氏大小阮山居 前人

雲萍亦自有佳辰
席上爭陳海上珍
世外但知耕讀

味山中那識亂離人 香處 歌 隊綠樹家家

四隣痛飲 往事今

井山居

前人

炎方到此正天南
別有長林可結庵
山盡入懷情自

香山縣志 卷之六 九十

遠窓當 夢猶酣蛟龍蟠處
雲中滿虎豹砦邊水

半淹閉戶著書渾
莫論楞嚴周易日
同忝

又

年光兩度樞梁肥
百尺危巖日色稀
松已有花堪午
饌葛多新蔓
佐輕衣雲中收
長謔去松下
驅牛橫
笛歸莫道天涯
盡海山多少釣魚磯

何相國招遊羅浮夢別業
晚過寶蓮寺分賦四

題

謝長文 番禺人

野意近寒出山情
絢月遙夢香浮綠
醜幽韻落晴霄
着處含理盡探將
想玉條行當歸鼎
實叢桂不須招

右山館探梅

山月隨人白紆迴野徑微
稻香秋雨後更語夜聲稀
酒醒寒侵面花晴香入依
相君閒杖屐客未言歸

右能山晚步

右蓮寺

策杖荒村外言晚略長夜寒

冷石橋霜

松籟笙簧引山定

香醉吟美

露集衣裳

右雙橋歸月

香山縣志

卷之八

九十一

望洋臺

張穆東莞人

生處在海國中歲逢喪亂竒懷數十年
浪已沫漫故人建高齋樓船若鵝鶴
因之慰豪觀地方盡海岸西藥近咸弛
重譯慕大漢寶玉與夜珠布異光燦
若夢遊仙瀛金宮紫霞咽危樓切高雲
連甍展屏翰水上多神山青削屢續斷
澄波或如鏡一葉亦足玩及爾長風迴
氣色忽已換狂瀾渺何窮萬里生浩歎
飲馬叅戎海曙樓看波斯胡古劍前人
西洋多寶鐵玉室紫金鏤影動橫秋水
神寒哭觸體無情隨馬甲高價重貂裘
可惜雄心日相逢已白頭

仁山書院咏懷

申良翰

宦遊嶺海非初志猶幸遐陬索牘閒堂奏晨琴思閉
閣庭空午訟好登山花香鳥語詩為科梅月榕烟句
自刪免使人呼真俗吏

泉石笑緣慳

烈女劉二娘

俞 杲 紹興人

蕞爾山谿角地以烈女溥庠士一劉噩名以烈女宣
烈女行若何節孝兩能全梯母出危難襁妹被拘寧
罵賊不絕口成仁命自捐竦軀入清流芳名責九泉
冠冕偷生者孰如巾幗賢

貞女鄭娟娘

俞 杲

義夫不世出貞女每多傳天地有正氣何獨賦嬋娟
君不見敬瑜之妻截耳咏孤燕共姜自誓柏舟篇今
有鄭娟勵嫠操未許二人擅美獨居前芳齡十八尚
未字父母奪志志彌堅善事繼姑撫繼子拮据盡瘁
六十年砥俗維風良可尚買題建坊苦無錢請伐蕉
坑山上石礮碑特予姓名鐫

節婦何氏

俞 杲

閨中無奇行惟節是生敬義方訓以嚴柳韓亦李鄭
喬梓世濟美文學相輝映天為賢母報替縷卜預慶
申令君伯兄周伯

歐陽羽文 南雄人

大陸

三千

士家重秦中有三關琴韻聽當官舍靜水壺映到客
心閒荔枝盧橘留君住宜為無魚憶故山

和韻酬歐陽學博

申羅翰揚州籍
涇陽人

海日曾聞近可攀三神髣髴有無間馬融此際方施
障李裕當年且度關舞利拓枝常落落齋餘苜蓿自
閒閒分曹未許煩清聽暫藉群材作丰山

天王橋懷古

劉相

憶昔南巡此地過一橋猶是宋山河白鷗後殉崖門
浪蟻蟀前興航海戈懸棧風悲憐扈蹕行宮烟冷想

香山縣志卷之八 九十三

鳴珂天津散步人同感獨倚危欄看逝波

前題

楊晉

葛嶺何人日擁娼海濱遺恨守河陽侍貂影冷波閒
月羽騎衣寒板上霜日暮風塵思駐輦夜殘燈火立
含香自從柴市成仁後闕盡狂瀾祇獨傷

沙涌馬侍郎宅荔枝

劉相

行宮進御舊承恩結子如丹黯自存安得鳥喙歸上
苑更無人薦到崖門侍郎宅廢空留恨永福陵荒莫
可論若使冬青還有樹蘭亭應共此銷魂

前題

楊晉

孤村落落翳荒烟丹荔參雲廢宅前封植久辭新甫
露承恩空老舊山川碭州淚灑龍牙濕鄂國丹凝鶴
頂鮮安得泪羅人與語年年午日綴江邊

小嶺探茶寄懷珠江同學

楊錫震

崩崖恠壑尖茶抽雪不禿露髓與雲肪四時爭孕育
石林既幽潛礫壤更清淑老僧咒虎馴寄此豁舒谷
乃屏俗遊踪免為茶所戮我訪丹丘子笑語猿猿熟
茶意似憐人採製每盈掬秘獲山中寶不撓山魁哭
憶昔拉君來共吟千尺瀑左鑄及右杓活火試鮮馥
一片虞洪腸陋彼飫梁肉茲遊倍矐君遠在菖蒲麓
香山縣志卷之八九十四

所貴湯社盟夢寐頻徃復何時邀杖笠重訂東溪錄

紫筍封寄誰層霄空縱目

八景詩

明黃仲翁

半抹紅光滿山城物色新樓臺三界曉花鳥萬家春

金鼓
朝陽

野航春浪急烟柳夕陽低流水南還北行人東又西

石岐
晚渡

國南夜澄鮮一望中可臺上路舉步是蟾宮

南
秋月

西北朝京派東南合踏潮長風隨入夜吹作雪翻飄

浮虛
春薦

羣峰超絕處特自起孤高卓地青筠管抽天碧兔毫

阜峰
文筆

天池方半畝半畝盡荷花借問荷花主蓬萊是主家

天地
芰荷

垂綉紐瀝瀝漱玉乍玲玲山色驚人目泉流足我聽

金紫
巖溜

柳暗溪橋路雲封古洞門牧童村外笛驅犢下黃昏
長

前題

伍瑞隆

香山縣志 卷之八 九十五

曉日朦朧開紫清萬方如見帝心明鳳凰合在朝陽

下嶺上先傳金鼓聲金鼓朝

城邊河水碧如蔥城外扁舟渡晚風日落月來天在

水行人渾入鏡光中石岐晚渡

秋水秋風秋漸勻南臺秋色日精神清色一夜照閒

無照盡城中城外人南臺夜月

聞道天南浮石山隨波上下此其請看萬里春濤

勢自是神鼇帶柱還浮虛春濤

誰攜彩筆上峰頭剡日擎天駕玉樓真把銀河為墨

海洗開雲霧寫神州阜峰文筆

天上荷花天上開不應吹落世間來
秋風昨夜香如酒帝遣天池作壽杯
天池

日照重簷紫翠高飛泉百尺下奔濤
我曾親手探明玉浣盡龍圖與彩毫
金紫

烟雨濛濛溪水頭長洲莫即是瀛洲
憑君為撥羣峰看似有玲瓏十二樓
長洲

前題

申良翰

曉來濛上錦瀾飛望裏雲亭曙色微
鈺鼓無聲滄海靖齊民長此戴堯暉
金鼓

津鼓闐闐說治安而今邨落子遺殘
疎林返照稀行

香山縣志 卷之八 九十六

客唯見迴風漾紫瀾
石岐

秋老峯高夜未闌蟾蜍皎皎弄清寒
九天宮闕擱空近 至山川入掌看
南臺

若個乘桴 漫遊隨波上下影
沉浮蒼茫四望無窮際
閒數春來海面鷗
浮虛

此山封爾管城侯沉綠鏤青空際抽天作凝光
海研滴大書四野十分秋
阜峯

曾開元末浚南濠池涸誰云事偶遭
三百餘年空勝蹟吟壇贏得競揮毫
天池

巖溜飛懸銀練色山風吹作玉珂聲
賸有沈泉終古

在遊人曾見幾年清金紫巖溜

雨似跳珠雲似墨蒼崖翠樹添生色田疇欲墾寇方張洗我甲兵滋稼穡長州烟雨

香山寓趙將軍子雍別墅題贈 申詒芳蘇州人

曲徑幽藏別有天踈花小石竹林邊想當濠濮親禽鳥思入蒹葭鎖暮煙屏裏影留魚麗陣窓中曾著豹韜篇我攜書卷閒歌枕載酒何人問草鉉

輓鄭烈婦文學廬上雍妻 陳國光邑人

遥見雙龍浩氣沖捐軀植節女英雄青霜不改紅顏操碧血猶凝白刃中拋子始知全子意別姑誰識戀

香山縣志 卷之八 九十七

姑衷倫常競說男兒任閨閣偏留萬古風 八卷終

